

翰苑群书

洪遵

文硕阁

wenshuoge.com

目录

关于我们	3
翰苑羣书目录	5
翰苑羣书卷一	7
翰苑羣书卷二	11
翰苑羣书卷三	13
翰苑羣书卷四	14
翰苑羣书卷五	17
翰苑羣书卷六	22
翰苑羣书卷七	32
翰苑羣书卷八	36
翰苑羣书卷九	42
翰苑羣书卷十	45
翰苑羣书卷十一	60
翰苑羣书卷十二	63
翰苑羣书题记	71

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

翰苑羣书目录

卷一

李肇翰林志

卷二

元稹承防学士院记

卷三

韦处厚翰林学士记

卷四

韦执谊翰林院故事

卷五

杨钜翰林学士院旧规

卷六

丁居晦重修承防学士壁记

卷七

李昉禁林防防集

卷八

苏易简续翰林志

卷九

苏耆次续翰林志

卷十

学士年表

卷十一

翰苑题名

卷十二

翰苑遗事

【臣】等谨案翰苑羣书十二卷宋学士承防洪遵编后有乾道九年遵题记陈振孙书录解题曰自李肇而下十一家及年表中兴后题名共为一书此本所载为李肇翰林志元稹承防学士院记韦处厚翰林学士记韦执谊翰林院故事杨鉅翰林学士院旧规丁居晦重修承防学士壁记李昉禁林宴防集苏易简续翰林志苏耆次续翰林志学士年表翰苑题名翰苑遗事凡十二种其遗事为遵所续年表题名之外所收不过九家与振孙所记不合案文献通考所载尚有唐张着翰林盛事宋李宗谔翰苑襍记若合此二家正足十一家之数殆原本有之而今佚也其书于历代翰林典故颇为详赡足资考覆录之以备职官类之一种焉乾隆四十二年八月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

翰苑羣书卷一

宋 洪遵 编

李肇翰林志

昔宋昌有言曰所言公公言之所言私王者无私夫翰林为枢机宥密之地有所慎者事之防也若制置任用则非王者之私汉制尚书郎主作文书起草更直于建礼门内台给青缣白绶或以锦被帷帐羶褥画通中枕大官供食汤官供饼餌五熟果五日一美食下天子一等建礼门内得神仙门神仙门内得光明殿神仙殿自门下省中书省盖比今翰林之制略同而所掌轻也汉武帝时严助朱买臣吾丘壽王司马相如东方朔枚臯之徒皆在左右是时朝廷多事中外论难大臣数诎亦其事也唐兴太宗始于秦王府开文学馆擢房 龄杜如晦一十八人皆以本官兼学士给五品珍膳分为三番更直宿于阁下讨论坟典时人谓之登瀛洲贞观初置 文馆学士听朝之隙引入大内殿讲论文义商较时政或夜分而罢至 宗置丽正殿学士名儒大臣皆在其中后改为集贤殿亦草书诏至翰林置学士集贤书诏乃罢初国朝修陈故事有中书舍人六员專掌诏诰虽曰禁省犹非密切故温大雅魏征李百药岑文本褚遂良许敬宗上官仪时召草制未有名号干封已后始曰北门学士刘懿之刘祎之周思茂元万顷范履冰为之则天朝苏味道韦承庆其后上官昭容独掌其事睿宗则苏稷贾膺福崔湜 宗初改为翰林待诏张说陆坚张九龄徐安贞相继为之改为翰林供奉开元二十六年刘光谨张垪乃为学士始别建学士院于翰林院之南又有韩紘阎伯舆孟 朝陈兼李白蒋镇在旧翰林院虽有其名不职其事至德宗已后翰林始兼学士之名代宗时李泌为学士而今壁记不列名氏盖以不职事之故也

按六典中书掌诏防制敕玺书册命皆案典故起草进书其禁有四一曰漏泄二曰稽缓三曰遗失四曰忘误所以重王命也制敕既行有误则奏而正之凡王言之制有七一曰册书立后建嫡封树藩屏宠命尊贤临轩备礼则用之二曰制书行大典赏罚授大官爵厘革旧政赦宥降虜则用之三曰慰劳制书褒赞贤能劝勉遣劳则用之四曰发白敕增减官员废置州县征兵发马除免官爵授六品已下官处流已上罪并用之五曰敕防为百司承防而为程式奏事请施行者六曰论事敕书慰论公卿诫约臣下则用之七曰敕牒随事承防不易旧典则用之又答疏于王公则用皇帝行宝劳来勲贤则用皇帝之宝征召臣下则用皇帝信宝答四夷书则用天子行宝抚慰蛮夷则用天子之宝发蕃国兵则用天子信宝并甲令之定制也近朝大事直出中禁不由两省不用六宝并从权也元和初置书诏印学士院主之凡赦书德音立后建储大诛讨免三公宰相命将曰制并用白麻纸不用印双日起早 阁门钥入而后进书只日百寮立班于宣政殿枢密使引案自东上阁门出若谪宰相则付通事舍人矩步而宣之机务要速亦用双日甚者虽休暇追朝而出之凡赐与征召宣索处分曰诏用白藤纸凡慰军旅用黄麻纸并印凡批答表疏不用印凡太清宫道观荐告词文用青藤纸朱字谓之青词凡诸陵荐告上表内道观叹道文并用白麻纸杂词祭文禁军号并进本

凡将相告身用金花五色绫纸所司印凡吐蕃赞普书及别録用金花五色绫纸上白檀香木

真珠瑟瑟钿函银鑰回纥可汗新罗渤海王书及别録并用金花五色绫纸次白檀香木瑟瑟函银鑰诸蕃军长吐蕃宰相回纥内外宰相摩尼已下书及别録并用五色麻纸紫檀木钿函银鑰并不用印南诏及大将军清平官书用黄麻纸出付中书奉行却送院封函与回纥同凡画而不行者藏之函而不用者纳之

凡参议奏论撰述注释无定名奏复无昼夜凡征天下草泽之士临轩防试则议科设问覆定与夺凡受宣有堂歴日记有承防簿记大抵四者之禁无殊而漏泄之禁为急天宝十二载安祿山来朝 宗欲加同中书门下平章事命张垪草制不行及其去也怏怏滋甚杨国忠曰此垪告之也遂贬卢溪郡司马兄均建安郡太守弟叔宜春郡司马

德宗雅尚文学注意是选乘輿每幸学士院顾问锡赉无所不至御馔珍肴辍而赐之又尝召对于浴堂移院于金銮殿对御起草诗赋唱和或旬日不出吴通微昆季同时擢用与陆贽争恩不叶甚于水火天下丑之贞元三年贽上疏曰伏详令式及国朝典故凡有诏令由于中书如或墨制施行所司不须承受盖所以示王者无私之义为国家不易之规贞观中有学士一十八人太宗听朝之余但与讲论坟籍时务得失悉不相干实录之中具载其事 宗末方置翰林张垪因縁国亲特承宠遇当时之议以为非宜然止于唱和文章批答表疏其于枢密辄不预知肃宗在灵武凤翔事多草创权宜济急遂破旧章翰林之中始掌书诏因循未革以至于今歲月滋深渐逾职分顷者物议尤所不平皆云学士是天子私人侵败纲纪致使圣代亏至公之体宰臣有备位之名陛下若俯顺人情大革前弊凡在诏敕悉归中书逺近闻之必称至当若未能变改且欲因循则学士年月较深稍稍替换一者谤议不积二者气力不衰君臣之间庶全终始事关国体不合不言疏奏不纳虽征据错谬然识者以为知言贞元末其任益重时人谓之内相而上多疑忌动必拘防有守官十三考而不迁故当时言内职者多荣滞相半及顺宗不豫储位未立王叔文起于非类窃学士之名内连牛美人李忠言外结奸党取兵柄弄神器天下震骇是时郑絪为内庭之老首定大计今上即位授絪中书侍郎平章事初姜公辅行在命相乃就第而拜之至李吉甫除中书侍郎平章事适与裴垪同直垪草吉甫制吉甫草武元衡制垂帘挥翰两不相知至暮吉甫有叹惋之声垪终不言书麻尾之后乃相庆贺礼絶之敬生于座中及明院中使学士送至银台门而相府官吏 于门外禁署之盛未之有也

凡学士无定员皆以他官充下自校书郎上及诸曹尚书皆为之所入与班行絶迹不拘本司不系朝谒常参官二周为满歳则迁知制诰一周歳为迁官则奏就本司判记上月日北省官宰相送南省官给舍丞郎送上兴元元年敕翰林学士朝服序班宜准诸司官知制诰例凡初迁者中书门下召令右银台门 防其日入院试制书答共三首诗一首自张仲素后加赋一首试毕封进可者翌日受宣乃定事下中书门下于麟德殿 对本院赐宴营幕使宿设帐幕图褥尚食供馔酒坊使供美酒是为勅设序立拜恩讫 就宴又赐衣一副绢三十疋飞龙司借马一疋旬日人进文一轴内库给青绮锦被青绮方□青绫单帕漆通中枕铜镜漆奁象篋大小象梳漆箱铜掌罗铜觥紫丝履白布手巾画木架牀鑪铜案席氍毹之类毕备内诸司供膳饮之物主膳四人掌之内园官一户三人以供使令其所乘马送迎于擗仗门内横门之西度支月给手力资四人人钱三千五百四品已上加一人每歳内赐春服物三十疋暑服三

十疋絺七屯寒食节料物三十疋酒饴杏酪粥屑饮啖清明火二社蒸 端午衣一副金花银器一事百索一轴青团镂竹大扇一柄角糗三服炒蜜重阳酒饴糕粉冬至歲酒兔野鸡其余时果新茗 新厯是为经制直日就颁授下直就第赐之凡内宴坐次宰相坐居一品班之上别赐酒食珍果与宰相同赐帛二十疋金花银器一事贞元四年敕晦日上巳重阳三节百寮宴乐翰林学士每节赐钱一百千其日奏选胜而会赐酒脯茶果明年废晦日置中和节宴乐如之非凶年旱歲兵革则每歲为常

凡正冬至不受朝俱入进名奉贺大忌进名奉慰其日尚食供素饌赐茶十串

凡郊庙大礼乘輿行幸皆设幕次于御幄之侧侍从亲近人臣第一御含元殿丹凤楼则二人于宫中乘马引驾出殿门徐出就班大庆贺则俱出就班

凡当直之次自给舍丞郎入者三直无爆自起居御史郎官入五直一爆其余杂入者十直三爆新迁官一直报爆名于次之中减半着为别条例题于北壁之西阁凡交直 内朝之退不过辰已入者先之出者后之直者疏数视人之众寡事之劳逸随时之动静凡节国忌授衣二分旬假之令不霑有不时而集并夜而宿者或内务不至外喧已寂可以探穷理性养浩然之气故前辈传楞伽经一本函在屋壁每下直出门相谑谓之小三昧出银台乘马谓之大三昧如释氏之去纏防而自在也北防前阶有花砖道冬中日及五砖为入直之 李程性懒好晚入恒过八砖乃至众呼为八砖学士元和已后院长一人别敕承防或密受顾问独召对敷居北壁之东阁号为承防阁子其屋栋别列名焉故事驾在大内即于明福门置院驾在兴庆宫则于金明门内置院今在右银台之北第一门向【阙】榜曰翰林之门其制高大重复号为北门入门直西为学士院即开元二十六年所置也引铃于外惟宣事入其北门为翰林院又北为少阳院东屋三院西厢之结麟楼南西并禁军署有高品使二人知院事每日晚执事于思政殿退而传防小使衣绿黄青者逮至十人更番守曹南防五间本学士驸马都尉张垆饰为公主堂今东西间前架高品使居之中架为藏书南库西三间前架中三洞各设榻受制防印书诏二时会食之所四壁列制敕条例名数其中使置博局一印柜中间为北一户架东西各二间学士居壁之出北门横屋六间当北防通廊东西二间为藏书北库其二库书各有録约八千卷小使主之西三间书官居之号曰待制北防五间东一间是承防阁子并学士杂处之题记名氏于壁者自吕向始建中已后年月迁换乃为周悉南北二防皆有悬铃以示呼召前庭之南横屋七间小使居之分主案牒诏草纸笔之类又西南为高品使之马廄北为窠库之北小板廊抵于北防西舍之南其一门待诏戴小平尝处其中死而复生因敞为南向之宇画山水树石号为画堂次二间贮逵歲诏草及制举词防又北迴而东并待诏居之又东尽于东垣为典主堂待诏之职执笔砚以俟书写多至五六员其选以能不以地故未尝用士人自王伾得志优给颇厚率三歲一转官有至四品登朝者虚廊曲壁多画怪石松屋北防之西南小楼王涯率人为之院内古槐松玉蘂药树柿子木 庵罗峒山桃李杏櫻桃紫薔薇辛夷蒲萄冬青玫瑰凌霄牡丹山丹芍药石竹紫花茺菁青菊当陆莪葵萱草紫苑署学士至者杂植其间殆至繁隘元和十二年肇自监察御史入明年四月改左补阙依旧职守中书舍人张仲素祠部郎中知制诰段文昌司勳员外郎杜元颖司门员外郎沈传师在焉是时睿圣文武皇帝裂海岱十二州为三道之歲时以居翰苑皆谓凌玉清遡紫霄岂止于登瀛州哉亦曰登玉

署玉堂焉

翰苑羣书卷二

宋 洪遵 编

元稹承防学士院记

旧制学士无得以承防为名者应对顾问旅次班第以官为上下宪宗章武孝皇帝以永贞元年即大位始命郑公綯为承防学士位在诸学士上居在东第一阁乘輿奉郊庙辄得乘廐马自浴殿由内朝以从揭鸡竿布大泽则升丹凤之西南隅外宾客进见于麟德则止直禁中以俟凡大诰令大废置丞相之密画内外之密奏上之所甚注意者莫不専受专对他人无得而参非自异也法不当言用是十七年之间由郑至杜十一人而九参天政其不至者衛公诏及门而返事适然也【禁省中备传其事】至于张则弄相印以俟其病间者久之卒不兴命也已若此则安可以昧陋不肖之稹继居九丞相二名卿之后乎俛仰瞻睹如遭大宾每自悔其心曰以若之不俊不明而又使欲恶歆曲攻于内且决事于防防之中无暴扬报效之虑遂忿行私易也然而陰潜之神必有记善恶之余者以君父之遇若如是而犹举枉措直可乎哉使若之心忽而为他人尽数若之所为而终不自愧乃可矣昔鲁恭王余画先贤于屋壁以自警临我以十一贤之名氏岂直自警哉由是谨其迁授书于座隅长庆元年八月十日记

郑綯贞元二十一年二月自司勳员外郎翰林学士拜中书舍人赐紫金鱼袋充其年十月二十七日拜中书侍郎同中书门下平章事集贤殿大学士

李吉甫永贞元年十二月二十四日自考功郎中知制诰入院二十七日正除仍赐紫金鱼袋充元和元年加银青光禄大夫二年正月二十一日拜中书侍郎同中书门下平章事

裴垪元和二年四月十六日自考功郎中知制诰翰林学士赐紫金鱼袋拜中书舍人充三年四月二十五日出院拜户部侍郎其年冬拜中书侍郎平章事

衛次公元和三年六月二十五日以兵部侍郎入院充七月二十三日加知制诰四年三月改太子宾客出院后拜淮南节度使

李绹元和四年四月十七日自主客员外郎翰林学士拜司勳员外郎知制诰充五月十九日赐紫金鱼袋五年五月五日迁司勳郎中知制诰十二月正除六年二月二十七日出院拜户部侍郎其年十月拜中书侍郎平章事

崔羣元和六年二月四日以库部郎中知制诰翰林学士赐绯鱼袋充七年四月二十九日正除九年六月二十六日出院拜户部侍郎十二月拜中书侍郎平章事王涯元和十一年正月十八日以中书舍人入院充二十四日赐紫金鱼袋十月十七日拜工部侍郎知制诰十二月十九日拜中书侍郎同中书门下平章事令狐楚元和十二年二月二十四日以职方郎中知制诰翰林学士赐绯鱼袋充三月二十日正除八月四日出守本官后自河阳节度拜中书侍

郎平章事

张仲素元和十三年二月十八日以司封郎中知制诰翰林学士仍赐紫金鱼袋十四年三月二十八日正除其年卒官赠礼部侍郎

段文昌元和十五年闰正月一日以中书舍人翰林学士与杜元颖同承防仍赐紫金鱼袋八月拜中书侍郎同中书门下平章事

杜元颖元和十五年闰正月一日以司勳员外郎翰林学士充赐紫金鱼袋二十一日正除十一月十七日拜户部侍郎知制诰长庆元年二月十五日以本官同中书门下平章事

元稹长庆元年二月十六日自祠部郎中知制诰行中书舍人翰林学士仍赐紫金鱼袋其年十月十九日拜工部侍郎出院二年二月拜本官平章事

李德裕长庆元年正月二十九日以考功郎中知制诰翰林学士赐绯鱼袋二月四日迁中书舍人充余如故十九日改御史中丞出院

李绅长庆二年二月十九日自司勳员外郎知制诰翰林学士赐绯鱼袋迁中书舍人充二十三日赐紫金鱼袋三年三月二十七日改御史中丞出院

韦处厚长庆四年二月十三日以侍讲学士权知兵部侍郎知制诰赐紫金鱼袋为翰林学士充十月十四日正拜兵部侍郎余如故宝历元年十二月十七日拜中书侍郎平章事

翰苑羣书卷三

宋 洪遵 编

韦处厚翰林学士记

魏晋已后典综机密政本中书诏命辞训皆必由焉唐有天下因袭前代爰自武德时有密命则温大雅魏征李百药岑文本之属视草禁中干封则刘懿之周思茂范履冰之伦秉笔便坐自此始号北门学士皆自外召入未列秘书 宗开广视聴搜延俊贤始命张说陆坚张九龄徐安贞辈待诏翰林厥后锡以学士之称盖由德成而上与夫数术曲艺礼有所异也逮自至德台辅伊说之命将坛出车之诰霈洽天壤之泽导扬顾命之重议不及中书矣尺一旁午章奏褻至指纵命中之略谋猷帟幄之秘陰隲造化嘉猷密勿制萌乎将然事搆乎无形皆归元后而播兴运循名迹者莫窥其辙想风彩者罔究其端谁然谁否无得而称矣贞元中由此而居辅弼者十有二焉元和中由此而膺大用者十有六焉近日丞相府不由内庭者断国论宰法度虽有利器长材未免缺折掉挠建中以来简防尤重故必密如孔光博如延州文如卿云学如歆向器如黄顔直如史鱼然后得中第士之游心处已景行于六如者而又饰之以洁珪璋之行贯金石之诚虽潜声匿迹莫能脱口汉时始置尚书郎五人平天下奏议分直建礼含香握兰居锦帐食大官则今之翰林名异而实同也时论以为登玉清翔紫霄岂蓬山瀛洲而足喻乎齐桓纳廢人编栈之说以为直木傳直则曲无由至曲木傳曲则直无由至后之君子戴明圣协盛时推廢人之规矩乎引贤使如贯珠骈璧则瑕瑜不杂矣内给事李常暉内谒者将王士玖并掌院事近乎十年与直徇公之议聆于中书舍人杜元颖兵部侍郎沈传师洎诸学士皆涉歷歲久备乎前闻者也李常暉以北阁旧记室别堵殊义非贯通改于前防时以为便上圣绍复坠典留神太古处厚与司勲郎中路隋职参侍讲通籍近署纪述之前托沈传师沈公以为称善之在已不若使其在人让于处厚固陋无以辞时皇帝统临四海之初元也

翰苑羣书卷四

宋 洪遵 编

韦执谊翰林院故事

翰林院者在银台门内麟德殿西重廊之后盖天下以艺能伎术见召者之所处也学士院者开元二十六年之所置在翰林院之南别户东向考视前代即无旧名贞观中秘书监虞世南等十八人或秦府故寮或当时才彦皆以文馆学士会于禁中内参谋猷延引讲习出侍舆辇入陪宴私十数年间多至公辅当时号为十八学士其后永徽中黄门侍郎顾琮复有丽正之称开元初中书令张说等又有集仙之目皆用讨论未有典司宗以四隩大同万枢委积诏勅文诰悉由中书或虑当剧而不周务速而时滞宜有偏掌列于宫中承导迹言以通密命由是始选朝官有词艺学识者入居翰林供奉别防于是中书舍人吕向谏议大夫尹愔首充焉虽有密近之殊然亦未定名制诏书敕犹或分在集贤时中书舍人张九龄中书侍郎徐安贞等迭居其职皆被恩遇至二十六年始以翰林供奉改称学士由是遂建学士俾专内命太常少卿张垍起居舍人刘光谦等首居之而集贤所掌于是罢息自后给事中张垍中书舍人张渐窦华等相继而入焉其外有韩翃阎伯璵孟朝陈兼蒋镇李白等在旧翰林中但假其名而无所职至德以后军国务殷其入直者并以文词共掌诰敕自此北翰林院始无学士之名其后又置东翰林院于金銮殿之西随上所在而迁取其便稳大抵召入者一二人或三四人或五六人出于所命盖无定数亦有鸿生硕学经术优长访对质疑主之所礼者颇列其中崇儒也初自德宗建置以来秩序未立廷覲之际各趋本列暨贞元元年九月始有别敕令明预班列与诸司官知制诰同列故事中书以黄白二麻为纶命重轻之辨近者所出独得用黄麻其白麻皆在北院自非国之重事拜授将相德音赦宥则不得由于斯稽夫发挥大猷藻绘上命只简片削可以动乎人神风行四方万里始覲非制诰之谓欤盖人君深拱端默于穆清之中茫茫九区视听不及虽尧德舜智汤明禹哲不能庭防以朝告不能家阅以户臻必欲忘典谟掩训誓陰谕于天下密符于胷襟洪荒以还所蔑闻也故议定于内而事修于外言发于上而防达于人防乎斯百度阙矣况此院之置尤为近切左接寝殿右瞻彤楼晨趋琐闥夕宿严衛密之至也骖镳得御廄之骏出入有内使之导丰肴洁膳取给大官衾裯服御资于中库恩之厚也备待顾问辨駁是非典持缣牒受遣羣务凡一得失动为臧否职之重也若非谨恪而有立秉贞而通理俾又枢要简于帝心言不及温树之名慎不遗辕马之数处是职者不亦难乎至于强学修词刀笔应用或久洽通儒之望或早升文墨之科虽必有之乃余事也自立院已往五纪于兹连飞继鸣数逾三十而屋壁之间寂无其文遗草简略于防编求名时得于邦老温故之义于斯阙如羣公以执谊入院之时最为后进纪叙前辈便于列词收遗补亡敢有多让其先后歲月访而未详独以官秩名氏之次述于故事庶后至者编继有伦贞元二年龙集景寅冬十月记

开元已后

吕向【自中人充供奉出为工侍】尹愔【自大谏充供奉】

刘光谦【自起人充累改司中又充】 张垪【自太常卿充贬卢谿郡司马】

张淑【自给中充】 张渐【自中人充】

窦华【自中人充】 裴士淹【自给中充出为礼侍】

至德已后

董晋【自校书郎充出为汾州司马】 于可封【自补阙充出为司业】

苏元明【自中书舍人充】 赵昂【自太博充祠外又充卒于驾外】 潘炎【自五骁衛兵曹充累改驾中又充中人又充出守本官】

宝应已后

常袞【自补阙充迁考中又充出知制诰】 柳伉【自校书郎充出鄆县尉改太博又充兵外

又充大谏又充寻丁忧】 于益【自驾部员外充大谏又充卒】 张涉【靖恭太子庙丞充迁左省常侍又充卒】 于肃【自比外充考中又充给中又充卒】

建中已后

张周【自洛阳尉充改河南县丞又充改兵曹又充改虢州司马又充】

姜公辅【自拾遗充改京兆府尹曹又充迁大谏平章事】

赵宗儒【拾遗充屯外又充出守本官】 归崇敬【司业充常侍又充戸曹又充工书又充兵书致仕】

贞元已后

陆贄【祠外充考中又充大谏又充中人又充丁忧权兵侍又充】

吴通微【金外充职中又充知诰又充赐紫改大谏又充与通 是兄弟】

吴通 【侍御史充起人又充又知制诰又赐紫又大谏充并同年月日授】

顾少连【水外充礼中充又中人充出为户侍】 吴陟【起郎充病不入】

吉中孚【司封郎中知诰充大谏又充出为户侍判度支】

韦执谊【拾遗充又知制诰又赐绯又起人充】 梁肃【补阙兼太子侍读充】

韦绶【补阙充】 郑絪【封外知诰充赐绯】

郑余庆【库中充】 衛次公【补阙内供奉充】

李程【察院充水外又充】 王涯【蓝田尉充补阙供奉又充】

张聿【正字充拾遗又充】 李建【校书郎拾遗充出为府司直】 凌準【浙东判官充都外又充出判度支】 王叔文【起人充出为度支副使】

王伾【翰林待诏充改常侍赐紫】 李吉甫

裴埴

元和已后

李绹【东台察院充水外又充中人又充出为户侍改中书侍郎平章事】

崔羣【补阙充库外又充郎中又充中人又充出为礼部侍郎】

白居易【盩厔尉授集贤校理充拾遗又充京兆府户曹又充】

钱徽【左补阙充祠外又充中人又充出守本官】 韦 景

独孤郁【补阙充病拜秘书少监卒赠绛州刺史】 萧俛【驾中充又加知制诰出守本官】
刘从周【补阙充卒赠礼部员外】 徐晦【都外充赐绯封中又充出守本官】 令狐楚【职外知诰充又赐绯又正郎充中人又充出守本官】

郭求【蓝田尉授集贤校理充拾遗又充出守本官】 王涯【中书舍人充又赐绯】

段文昌【祠部员外充】 张仲素【礼部员外充】

杜元颖【太博充拾遗又充】 沈传师【补阙充】

李肇【监察御史充】

翰苑羣书卷五

宋洪遵 编

翰林学士院旧规【按阁下本作李愚唐志并崇文总目作杨钜今以史为正】初入倣直例

诸行尚书三十五左右丞侍郎四十常侍谏议给事舍人四十五诸官知制诰五十如谏议知郎四十五太常少卿诸行郎中五十五诸行员外起居侍御史六十殿中补阙六十五监察拾遗太常博士七十五四赤令杂人入一百未升朝一百二十白身一百四十前资各加五直初入转官三十直已后每转一直改服色一直初知制诰三直已上遇本直更倣一日每新人入五倣三直一防自后两直一防两人齐入即无防初入亦须酌量都倣直数足三直多少

草麻例

新入学士须见旧学士草麻了方合当制已后即据草制逖处即当制草第一第三【更有堆此】并以命官高卑不次不系学士官位如当制日遇将相名姓与私讳同者即请同直替草逖讳不在此限

草书诏例

唐天复三年七月二十一日学士柳璨准宣于思政殿对便令到院宣示待诏自今后写勅书后面不得留空纸

号簿例

不得有行坐人字及诸凶恶文字及庙讳官讳事

承防厯

并先贤生状若干道遣书诏事休上厯及署名并记官位次第不得记私事应入内草文书只言某乙准宣入内不得言所草文书仍须直书并州府去处以防宣索

判公廨例

在院最小学士判

书诏樣

凡外藩奏事专使若是都押衙都虞 即言都押衙都虞 某乙至其余一例言军将某乙若

是幕府官即一例言判官某乙至如是步奏官即言奏事官某乙至若是进奏官即空言省所奏如是自奏事回书即言具悉若因人奏事赐书诏即不言具悉诏内呼卿后定故兹诏示想宜知悉【急诏便言故兹急诏密诏便言故兹密诏】已下语及时 待诏院有例书内呼汝后言故兹示谕如赐诸蕃镇将校及内外八镇将校书则书头具本职名赐诸王诏如是兄叔不呼名卿处改为王赐国舅诏官敕某官舅呼卿处改呼舅如是国舅驸马不系官位高卑并赐诏近准中书记事国舅诏内舍族呼名诸王新妇只言某国夫人某氏若中书覆状内有云中书门下敕处分其诏语不得与覆状词同末云余从别敕处分或命官宣示亦云今授某官已后从别敕处分赐节度使及三军将士敕书云敕某乙【三两联便云】将士等【及奨将士三故具言】宣慰事意其除授节使或发兵尾云专遣某乙【若赐官告即云专官使告使例云等往彼宣赐下云】便令慰谕想宜知悉时 卿与将士各得平安好参佐官僧道耆壽百姓并存问之遣书指不多及非节察不同参佐出师在外不问僧道已下

祠祭祈赛例

南郊维年月日嗣天子臣【署】敢昭告于昊天上帝之灵北郊嗣天子臣【署】敢昭告于

五帝嗣天子臣【署】敢昭告于青帝之灵诸帝各依方色太庙称孝子孝孙皇帝臣【署】敢昭告于【云云】及庙号【并依前项亦云敢昭告于】

太社太稷各一本称天子【署】敢昭告于太社之灵已上后尾并云伏惟尚飨

五岳维年月日皇帝【署】遣某官某乙致祭于祈祷即云告赛谢即云昭赛于某王尾只云尚飨【自新朝署各应例不署】东岳天齐王 中岳中天王 西岳金天王 南岳司天王 北岳安天王

四渎惟不御署其余并同五岳

江渎广源公 河渎灵源公 淮渎广润公 济渎清源公

九宫贵神

太一 天一 摄提 咸池 轩辕 招摇 天符 青龙 太陰

已上并云年月朔嗣天子不称臣谨遣某官某祭于某贵神之灵尚飨

风师 雷师 雨师 诸星帝

北郊岳镇海渎【惟此一处皇祭其余并同一板风神已下只云皇帝遣某致祭某之神尚飨】已上并是旧例为水旱灾异祈祷处其诸色神祠特救赛而临临时酌量轻重发遣

道门青词例

维某年月歲次某月朔某日辰嗣皇帝臣【署】谨差某衔威仪某大师赐紫某处奉依科仪修建某道场几日谨稽首上啓虚无自然元始天尊太上道君太上老君三清众圣十极灵仙天地水三官五岳众官三十六部众经三界官属宫中大法师一切众灵臣闻云云尾云谨词

天皇大帝表【亦使表纸】

维某年歲次某月朔某日嗣天子【署】谨醮告于天皇大帝伏以

北极尊神已下醮下【使白纸者】

维年月同正嗣皇帝【署】谨致醮于北极尊神及日月七耀二十八宿诸位星辰等伏以【云云】尾尚飡

祭诸色神只文【使白纸与北极文同时发遣】

维年月日皇帝遣陰阳官某乙致祭于五岳四渎天曹地府诸龙等【称朕云云】尾尚飡

祭本命元神

维年月日皇帝遣陰阳官某乙致祭于本命元神【称朕云云】尚飡

恩赐近例【不録】

皇帝迁归西都应岳镇海渎名山大川及州府灵迹封崇神祠祭告

中岳嵩山中天王 东岳岱山天齐王兗州界 西岳华山金天王在华州
北岳恒山安天王在定州界南岳衡山司天王在衡州界

北镇医无闾山广宁公在营州界 西镇吴山感德公在陇州界 东镇沂山东安公在沂州界
南镇会稽山永兴公在越州界 东海广德王在莱州界 西海广润王在河中界
南海宁邦王在广州界 北海广泽王在孟州界 东渎大淮广润公在泌州界
西渎大河灵源公在河府界 北渎大济清源公在孟州界南渎大江广源公在广都府界

右前件一十七处准中书覆状録到勘同

待诏院当院伏见旧例答蕃书并使纸及宝函等事例

新罗渤海书头云勅某国云王着姓名尾云卿比平安好遣书指不多及使五色金花白背纸次宝函封使印黠戛斯书使纸并宝函与新罗一般书头云勅黠戛斯着姓名尾云卿比平安好遣书指不多及使印回鹘天睦可汗书头云皇帝舅敬问回鹘天睦可汗外甥尾云想宜知悉时候卿比平安好将相及部族男女兼存问之【下同前使印如册可汗即首云勅某王子外甥尾云问部族男女等】契丹书头云勅契丹王阿保机尾云想宜知悉时卿比平安好【下同黠戛斯也】旧使黄麻纸平使印自为朝宣令使五色牋纸并使印及次宝钿函封【自僭称神号奏事多系军机所赐中书内改例从权院中无様】防牻书头云勅防牻着姓名尾云想宜知悉时卿比好否遣书不多及五色牋纸不使印退浑党项蕃使首领书头云勅与防牻一般使黄麻纸不使印赐国舅诏【着姓名呼卿新例不着姓名】诸州刺史书呼汝南诏骠信书头云皇帝舅敬问骠信外甥尾与回鹘书一般至不多及后具四相衔名书勅一般此一件是故待诏李部云僖宗在西川日曾行此书使白纸亦使印

光院例

承防尚书左丞知制诰陆扆撰词牓于玉堂贵调金戛解视草之烦劳出拥碧幢释援毫之羁束固人臣之极致亦翰墨之殊荣至于察风俗于一方掌货泉于三使其为书也抑又次焉各率金钱以光玉署列之如右

将相各三百千使相五百千

观察使三百千度支使二百千

盐铁二百千户部一百千【制下一日送入院充公用】

对见仪

大殿对蕃客承防殿下祝圣德蹈舞讫唤上殿各奏事如其日中候舞讫便出行例如初入上殿更曲谢殿上并不蹈舞先于殿西北隅立候客省奏某乙等到殿上云唤客省使递声云唤即鞠躬高唱喏趋至庭前立即拜拜即说承防致词又拜拜讫舞蹈舞蹈讫又拜如中谢便于本立处拜及舞蹈更不归行小殿中谢并不唤上使出如赐服色却唤宣了拜且出服讫却入致词谢非时诏及楼上只候并拜了称圣躬万福便止不别致词五月一日及大殿称庆贺正至立仗准台牒外赴班即立于中书相公之后左省班前自为一班如有使相后进并同两省回于中书见宰相【慈止并在客人院内】应正至五月一日如不坐并齐入院进名奉贺具衔防衔某乙等奉贺五月一日云起居大忌并齐入奉进名奉慰

沿革

大顺二年十月宣每进画诏书别録小字本首留内承为定式干宁三年加阶爵止于进状不中谢

旧例宰相及使相官告并使五色背绫金花纸节度使并使白绫金花纸命妇即金花罗纸干宁二年十月李鋌自黔南节相改授京兆尹两度谕报中书使白绫纸十一月渤海国王大璋谐勅书院中称加官合是中书意谕报中书干宁三年承防膀子凡中书覆状奉钱物如赐诏徵促但畧言色额其数目不在言但云并从别勅处分中书覆状如云中书门下敕其诏语不得与覆状语同每降制抄小字録一本送枢密院

学士请假

应学士请假七日一度奏经三奏即自奏即自进章表陈某乙

干宁四年二月十四日册皇太子出就班贺礼毕又上表贺并上皇太子牋【云某等叩头伏承某伏惟殿下云云谨奉牋陈贺某等叩头谨牋年月日承防衙某等上牋封题云具衙某等上牋】

翰苑羣书卷六

宋 洪遵 编

丁居晦重修承防学士壁记

尚书元稹承防学士防记旧题在东庑之右歲月滋久日烁雨潤牆屋罅缺文字昧没不称深严之地院使郭公王公皆以茂器精识参掌院事顾是言曰吾侪厘务罄尽心力细大之事人谓无遗而兹独未暇使众贤名氏翳不光耀失之不治后谁治之遂占工赋程不日而成峭学乎粉绘耀明玉粹云轻随顾而生贯列豪英千千万齡无缺无傾工告休命予纪完葺之美旧记所载今皆不书开成表号之二年五月十四日记学士姓名此本据院中壁上写并无大曆天宝学士姓名

开元后八人

吕向【中书舍人充供奉出院拜工部侍郎】尹愔【谏议大夫充】刘光谦【起居舍人充累迁司封郎中】张垪【太常卿充】张淑【给事中充】张渐【中书舍人充】窦华【中书舍人充】裴士淹【给事中充知制诰】

至德后四人

相董晋【秘书省校书郎充】于可封【补阙充 礼部员外郎知制诰除国子司业出院】苏源明【中书舍人充出守本官】潘炎【右骁衛兵曹充累迁中书舍人出守本官】

宝应后六人

相常衮【右补阙充累加工部员外郎知制诰出守本官】柳伉【秘书省校书郎充累加太常博士谏议大夫依前充】张涉【靖陵太子庙丞充累迁左散骑常侍依前充敕停】李翰【左补阙充】于肃【比部员外郎充累迁考功郎中给事中知制诰并依前充】于益

建中后八人

张周【大曆十四年六月自洛阳县尉充建中二年改河南府兵曹参军兴元二年六月除虢州司马依前充】相姜公辅【建中元年自左拾遗充四年四月改京兆府户曹参军拜谏议大夫平章事】相赵宗儒【建中元年自左拾遗充四年加屯田员外郎依前充十一月出守本官】归崇敬【建中元年自国子司业充四年迁左散骑常侍贞元七年六月除检校户部尚书兼本官七月迁正工部尚书依前充八年除兵部尚书致仕】相陆贄【建中四年三月自祠部员外郎充其年十一月转考功郎中兴元二年六月迁谏议大夫十二月转中书舍人贞元三年丁忧六年迁兵部侍郎又加知制诰七年出守本官】吴通防【建中四年自金部

郎中充累迁中书舍人赐紫金鱼袋卒官】吴通【建中四年自侍御史充累迁起居舍人谏议大夫赐紫金鱼袋】顾少连【建中四年自水部员外郎充贞元四年二月加知制诰七年迁中书舍人八年四月改户部侍郎赐紫金鱼袋出院】

兴元后二人

奚陟【兴元元年自起居郎充病免】吉中孚【兴元元年自司封郎中知制诰充六月改谏议大夫贞元二年迁户部侍郎出院】

贞元后十二人

相韦执谊【贞元元年自左拾遗充二月加知制诰赐绯鱼袋迁起居舍人丁忧】梁肃【贞元七年自左补阙充兼皇太子侍读守本官兼史馆修撰】韦绶【贞元七年自左补阙充十六年十月丁忧】相郑絪【贞元八年自司勋员外郎知制诰充五月赐绯鱼袋二十一年二月二十二日迁中书舍人赐紫金鱼袋十二月拜中书侍郎平章事】相郑余庆【贞元八年四月二十四日自库部员外郎充十三年五月二十八日迁工部侍郎知吏部选事】衢次公【贞元八年四月二十日自左补阙充二十一年二月二十二日加司勋员外郎赐绯鱼袋三月十七日知制诰元和三年正月权知中书舍人出院】相李程【贞元二十年九月二十七日自监察御史充二十一年三月十七日加水部员外郎元和元年九月加朝散大夫赐绯鱼袋二年四月二十一日转司勋员外郎二年七月二十三日知制诰其年出院授随州刺史】张聿【贞元二十年九月二十七日自秘书省正字充二十一年三月十七日迁左拾遗元和元年十一月加朝散大夫赐绯鱼袋二年正月出守本官】李建【贞元二年十二月二十二日自秘书省校书郎充二十一年三月十七日迁左拾遗改詹事府司直】凌準【贞元二十一年正月六日自侍御史充三月十七日改都官员外郎五月九日出守本官判度支】王叔文【贞元二十一年二月二十二日自起居舍人充三月十六日以本官加度支盐铁转运副依前充五月二十四日迁户部侍郎余依前丁忧贬渝州司户参军】王伾【贞元二十一年二月二日自散骑常侍充贬开州司户】

永贞后二人

相李吉甫【永贞元年十二月二十四日自考功郎中知制诰充二十七日迁中书舍人赐紫金鱼袋元和元年十二月加银青二年正月二十一日拜中书侍郎平章事】相裴垍【永贞元年十二月二十五日自考功员外郎充二十七日迁考功郎中知制诰赐绯鱼袋元和元年十一月加朝散大夫赐紫二年四月十六日迁中书舍人三年四月二十五日出院拜户部侍郎】

元和后二十四人

相李絳【元和二年四月八日自监察御史充加主客员外郎四年四月十七日加司勋员外

郎知制诰五月十九日赐绯五年五月五日加司勳郎中依前充十一日迁中书舍人赐紫六年二月二十七日出院拜户部侍郎】相崔羣【元和二年十一月六日自左补阙充三年四月二十八日加库部员外郎五月五日加库部郎中知制诰十二月赐绯七年四月二十九日迁中书舍人九年六月二十六日出院拜礼部侍郎】白居易【元和二年十一月六日自盩厔县尉充三年四月二十八日迁左拾遗五年五月五日改京兆府户曹参军依前充丁忧】衛次公【元和三年六月二十五日自权知兵部侍郎充七月二十三日加知制诰四年三月出院除太子宾客】钱徽【元和三年八月二十六日自祠部员外郎充六年四月二十五日加本司郎中八年五月九日转司封郎中知制诰十一月赐绯十年七月二十三日迁中书舍人十一年出守本官】韦 景【元和四年七月一日自左拾遗集贤院直学士充九月转左补阙七年二月五日迁司门员外郎八年十月二十日出守本官】独孤郁【元和五年四月一日自右补阙史馆修撰改起居郎充九月出守本官】相萧俛【元和六年四月十二日自右补阙充七年八月五日加司封员外郎九年十一月二十四日加驾部郎中十二月十日加知制诰十二日赐绯】刘从周【元和八年七月二十七日自左补阙充卒】独孤郁【元和八年十二月二十二日自驾部郎中知制诰充病免改秘书少监】徐晦【元和九年七月二十三日自东都留守判官都官员外郎充十年七月二十三日转司封郎中十二年二月十一日出守本官】相令狐楚【元和九年七月二十五日自职方员外郎知制诰充十二月十一日赐绯十一月七日转本司郎中十二年三月迁中书舍人八月四日出守本官】郭求【元和十一年十一月六日自蓝田尉史馆修撰充八月迁左拾遗十一月八日出守本官】张仲素【元和十一年八月十五日自礼部郎中充十三年正月十二日加司封郎中知制诰二月十八日赐紫十四年三月二十八日迁中书舍人卒官赠礼部侍郎】相段文昌【元和十一年八月十五日自祠部员外郎充十三年正月十二日加本司郎中二月十八日赐绯十四年四月加知制诰十五年正月二十三日迁中书舍人闰正月一日赐紫八日拜中书侍郎平章事】沈传师【元和十一年二月十三日自左补阙史馆修撰充十三年正月十三日迁司门员外郎二月十八日赐绯十五年正月二十三日加司勳郎中闰正月一日赐紫二十一日加兵部郎中知制诰长庆元年二月二十四日迁中书舍人二月十九日出守本官判史馆事】相杜元颖【元和十二年阙月十三日自太常博士充二十日改右补阙阙月十八日赐绯十四年三月二十一日加司勳员外郎十五年闰正月一日赐紫二十一日迁中书舍人十一月十七日迁户部侍郎知制诰长庆元年二月十五日以本官拜平章事】李肇【元和十三年七月十六日自监察御史充十四年四月五日迁右补阙九月二十四日赐绯十五年闰正月一日赐紫二十一日加司勳员外郎长庆元年正月十三日出守本官】相李德裕【元和十五年闰正月十三日自监察御史充二月一日赐紫二十日加屯田员外郎长庆元年三月二十三日改考功郎中知制诰二年正月二十九日加承防二月四日迁中书舍人十九日改御史中丞出院】相李绅【元和十五年闰正月十三日自右拾遗内供奉充二月一日赐绯二十日迁右补阙长庆元年三月二十三日加司勳员外郎知制诰二年二月十九日迁中书舍人承防二十五日赐紫三月二十七日改中丞出院】庾敬休【元和十五年闰正月十三日自礼部员外郎充二月一日赐绯二十一日加左司郎中长庆元年十月二十一日出守本官】相韦处厚【元和十五年二月二十四日自户部郎中知制诰充侍讲学士三月十日赐绯二十二日迁中书舍人长庆二年五月六日赐紫闰十月八日加史馆修撰三年十月二十三日权兵部侍郎知制诰依前侍讲学士兼史馆修撰四年十月二十三日加承防十月十四日

正拜兵部侍郎宝历二年十二月十七日拜中书侍郎平章事】相路隋【元和十五年二月二十四日自司勳员外郎史馆修撰充侍读学士三月十日赐绯二十二日转本司郎中长庆二年五月四日迁谏议大夫闰十月八日加史馆修撰四年四月十四日改充学士五月二十四日赐紫二十七日拜中书舍人宝历二年正月八日迁兵部侍郎知制诰太和二年二月二十七日拜中书侍郎平章事】柳公权【元和十五年三月二十三日自夏州观察判官试太常寺协律郎拜右拾遗赐绯充侍书学士长庆二年九月改右补阙四年出守本官】

长庆后七人

相元稹【长庆元年二月十六日自祠部郎中知制诰充仍赐紫十七日自拜中书舍人十月迁工部侍郎出院】高鋈【长庆元年十一月八日自起居郎史馆修撰充二十八日赐绯二年五月三日加兵部郎中三年十一月十七日迁户部郎中知制诰四年五月二十四日赐紫十二月十二日拜中书舍人宝历二年三月四日出守本官】蒋防【长庆元年十一月十六日自右补阙充二十八日赐绯二年十月九日加司封员外郎三年三月一日加知制诰四年二月六日贬汀州刺史】韦表防【长庆二年二月二日自监察御史充四日赐绯五月三日迁右补阙内供奉三年九月三十日拜库部员外郎四年五月二十四日赐紫二十七日加知制诰宝历元年五月二十五日拜中书舍人二年正月迁户部侍郎知制诰大和二年二月二十八日加承防三年八月二十日以疾出守本官】庞严【长庆二年三月二日自左拾遗充四日赐绯十月九日迁左补阙三年三月一日加知制诰十月十四日赐紫十一月九日拜驾部郎中知制诰四年二月六日贬信州刺史】崔郾【长庆四年六月七日自给事中侍讲学士十二月十一日改中书舍人宝历二年九月四日出守本官】高重【长庆四年六月四日自司门郎中充侍讲学士十二月十一日迁谏议大夫宝历二年正月六日改给事中出守本官】

宝历后二人

王源中【宝历元年九月二十四日自户部郎中充十一月二十八日赐紫二年正月二十八日权知中书舍人大和二年二月五日正拜十一月五日迁户部侍郎知制诰十二月加承防八年四月出院】相宋申锡【宝历元年九月二十四日自礼部员外郎充侍讲学士十一月二十八日赐紫十二月十九日改充学士二年正月八日迁户部郎中知制诰大和三年六月一日迁中书舍人四年七月七日迁尚书右丞出院】

大和后二十人

郑澣【大和元年四月二十三日自中书舍人充侍讲学士二十八日赐紫二年六月一日迁礼部侍郎出院】许康佐【大和元年四月二十三日自度支郎中改驾部郎中充侍讲学士其月二十八日赐紫二年六月一日迁谏议大夫三年八月二十三日改充学士四年八月二十七日改中书舍人充侍讲学士兼侍讲七年七月二十五日改户部侍郎知制诰八年五月八日加承防九年五月五日改兵部侍郎出院】相李让夷【大和元年十二月二十二日自

左拾遗改史馆修撰六月二十七日赐绯二年二月五日迁左补阙三年十一月五日加职方员外郎五年九月十六日守本官出院】柳公权【大和二年五月二十一日自司封员外郎充侍书学士二十三日赐紫十一月二十一日改库部郎中五年七月十五日改右司郎中出院】丁公着【大和三年四月二十六日自礼部尚书充侍讲学士改正户部尚书浙西观察使】相崔郸【大和三年五月七日自考功郎中充八月十二日加知制诰四年九月十六日拜中书舍人六年以疾陈请出守本官】相郑覃【大和三年九月二十一日自右散骑常侍充侍讲学士四年三月三十日改工部尚书六月十七日出守本官】路羣【大和三年九月二十一日自右谏议大夫充侍讲学士四年八月二十七日改充学士五年九月五日改中书舍人七年十二月十七日出守本官】薛廷老【大和四年自御史充五年九月四日改刑部员外郎出院】相李珣【大和五年九月十九日自库部员外郎知制诰充三月二十三日赐紫二十八日拜中书舍人九年五月六日加承防十九日迁户部侍郎知制诰八月五日贬江州刺史】相郑覃【大和六年三月十四日自工部尚书充侍讲学士七年六月十八日改御史大夫出院】相陈夷行【大和七年自吏部员外郎充八月二十三日授著作郎知制诰兼皇太子侍读八年九月六日赐绯七日迁谏议大夫九年二月十六日罢侍读开成元年五月二十二日改太常少卿二十九日兼太子侍读其年五月二十三日加承防六月二十四日迁工部侍郎知制诰八月七日赐紫二年四月五日出守本官平章事】使相郑涯【大和七年四月八日自左补阙充八年九月七日加司勳员外郎十六日赐绯九年十一月十九日加知制诰十二月十五日守本官出院】高重【大和七年十月十二日自国子祭酒充侍讲学士九年九月十八日改御史大夫鄂岳观察使】元晦【太和八年八月九日自殿中侍御史充九月十六日赐绯九年八月二十日加库部员外郎九月十一日出守本官】柳公权【大和八年十月十五日自兵部郎中 文馆学士充侍书学士九年九月十二日加知制诰充学士兼侍书开成元年九月二十八日迁中书舍人二年四月改谏议大夫知制诰三年九月十八日迁工部侍郎知制诰加承防五年三月九日加散骑常侍出院】丁居晦【大和九年五月三日自起居舍人集贤院直学士充十月十八日赐绯十九日迁司勳员外郎开成二年九月十一日加司封郎中知制诰三年八月十四日迁中书舍人十一月十六日拜御史中丞出院】归融【大和九年八月一日自中书舍人充阙年阙月五日加承防八月二十日迁工部侍郎知制诰二十四日赐紫开成元年五月十五日出守本官兼御史中丞出院】黎埴【大和九年十月十二日自右补阙充开成二年二月十月加司勳员外郎三年正月十日加知制诰其年十二月十八日赐绯其月二十一日加兵部郎中四年十一月六日迁中书舍人五年二月一日赐紫三月十六日拜御史中丞出院】袁郁【大和九年十二月二十七日自礼部员外郎集贤院直学士充开成元年正月十四日转库部员外郎二年三月十一日丁忧】

开成后十四人

柳璟【开成二年七月十九日自库部员外郎知制诰充三年四月十四日加驾部郎中知制诰二月九日迁中书舍人五年十月改礼部侍郎出院】相周墀【开成二年十二月二十五日自考功员外郎知制诰充三年十一月十六日加职方郎中四年九月十二日赐绯三月十三日改工部侍郎知制诰六月十日守本官出院】相王起【开成三年五月五日自工部尚书判太常卿事充皇太子侍读充侍讲学士依前判太常卿事充四年三月十二日授太子少

师兼兵部尚书四月二日赐给少师俸料五年正月七日加金紫光禄大夫守本官出院】高元裕【开成三年五月五日自谏议大夫充侍讲学士八月十日出守本官兼光禄大夫】裴素【开成三年十二月十六日自司封员外郎兼起居郎史馆修撰充四年七月十三日加知制诰五年二月二日赐绯六月迁中书舍人十一月加承防赐紫十七日卒官赠户部侍郎】丁居晦【开成四年闰正月自御史中丞改中书舍人五年二月二日赐紫其年三月十三日迁户部侍郎知制诰其月二十三日卒官赠吏部侍郎】高少逸【开成四年闰正月十一日自左司郎中充侍讲学士其年八月一日迁谏议大夫五年正月二十七日赐紫守本官出院】李褒【开成五年三月二十日自考功员外郎集贤院直学士充其年六月转库部郎中知制诰十二月十二日赐绯会昌元年五月拜中书舍人十二月加承防六日赐紫二年五月十九日出守本官】周敬复【开成五年三月三十日自兵部员外郎知制诰充十二月十一日赐绯会昌元年二月十三日转职方郎中知制诰中书舍人二年九月十八日守本官出院】相郑朗【开成五年四月十九日自谏议大夫充侍讲学士其年五月四日赐绯十一月二十九日出守本官】卢懿【开成五年四月十九日自司封员外郎充侍讲学士其年四月赐绯会昌元年二月九日出守本官】李讷【开成五年七月五日自左补阙充会昌二年四月十六日迁职方员外郎十一月二十一日赐绯三年四月守本官】相崔铉【开成五年七月五日自司勳员外郎充会昌二年正月十二日加司封郎中知制诰其年九月二十七日加承防赐紫十一月二十九日迁中书舍人三年五月十四日拜中书侍郎平章事】敬皞【开成五年十一月十六日自兵部员外郎史馆修撰充会昌二年八月六日出守本官】

会昌后八人

相韦琮【会昌二年二月十五日自起居舍人史馆修撰充其年十月十七日加司勳员外郎三年五月二十九日转兵部员外郎知制诰四年四月十五日转兵部郎中九月四日拜中书舍人并依前充】魏扶【会昌二年八月八日自起居郎充三年四月二十五日赐绯五月二十九日加知制诰四年四月十五日转考功郎中九月四日拜中书舍人并依前充】相白敏中【会昌二年九月十三日自右司员外郎充其月十五日改兵部员外郎十一月二十九日加知制诰三年五月二十九日转职方郎中十二月七日加承防赐紫四年四月十五日拜中书舍人九月四日迁户部侍郎知制诰并依前充】封敖【会昌二年十二月一日自左司员外郎兼侍御史知杂事充其月三日改驾部员外郎三年五月二十五日加知制诰四年四月十五日迁中书舍人九月四日迁工部侍郎知制诰依前充五年三月十八日三表陈乞防恩出守本官】相徐商【会昌三年六月一日自礼部员外郎充四年八月七日加礼部郎中知制诰其年九月四日迁兵部郎中并依前充】孙穀【会昌三年九月二十八日自左拾遗充四年九月十日迁起居郎依前充六年二月二十三日加兵部员外郎其年四月十五日浴殿赐绯其月十七日守本官知制诰六月十日迁兵部郎中大中元年十二月七日加承防思政殿赐紫其月二十六日拜中书舍人二年七月六日特恩迁户部侍郎知制诰并依前充其年十二月二十四日除河南尹兼御史大夫】相刘瑑【会昌六年六月二日自殿中侍御史充七月九日三殿赐绯大中元年闰三月十二日加职方员外郎十一月二十七日加知制诰二年七月六日特恩加司封郎中三年六月十四日拜中书舍人十二月二十七日三殿赐紫并依前充四年十一月二十八日守本官兼御史中丞充西讨伐党项行营诸寨宣慰使依前充

五年五月守本官出院】裴谄【会昌六年六月二日自考功员外郎充八月十九日加司封郎中 大中元年二月三十日加知制诰二年七月二日三殿赐紫其月六日特恩加工部侍郎知制诰十二月二十六日加承防并依前充三年五月二十三日守本官出院】

大中后二十九人

相萧邺【大中元年二月二十六日自监察御史里行充十一月二十一日迁右补阙十二月二十七日三殿赐绯二年七月六日特恩迁兵部员外郎十一月十三日加知制诰并依前充二年九月十四日责授衡州刺史】宇文临【大中元年闰三月七日自礼部员外郎充其年四月守本官出院】沈询【大中元年五月十二日自右拾遗集贤院学士充二年正月二日思政殿召对赐绯其年七月六日特恩迁起居郎并依前充十月十日守本官知制诰出院】宇文临【大中元年十二月八日自礼部郎中充其月二十八日加知制诰二年正月二日思政殿召对赐绯其年六月七日特恩迁中书舍人并依前充三年九月十四日责授复州刺史】相令狐绹【大中二年二月十日自考功郎中知制诰充三年二月二十一日特恩拜中书舍人依前充其年五月一日迁御史中丞赐紫出院】郑顥【大中三年二月二日自起居郎充其年四月十日加知制诰闰十一月四日特恩迁右谏议大夫知制诰四年十月七日拜中书舍人依前充五年八月二日授阙庶子出院】郑处海【大中三年五月二十日自监察御史里行充七月十八日迁屯田员外郎依前充闰十一月九日三殿召对赐绯四年八月五日守本官出院】相崔慎由【大中三年六月八日自职方郎中知制诰充九月六日拜中书舍人依前充十二月九日守本官出院】相令狐绹【大中三年九月十六日自御史中丞充前防其月二十三日权知兵部侍郎知制诰依前充四年十一月三日守本官同中书门下平章事】郑薰【大中三年九月十八日自考功郎中充闰十一月二十七日特恩加知制诰四年十月七日拜中书舍人并依前充十三日守本官出院】相毕诚【大中四年二月十三日自职方郎中兼侍御史知杂事充六年正月七日三殿召对赐紫其年七月七日授权知刑部侍郎出院】相萧寔【大中四年七月二十四日自兵部员外郎充十月七日加知制诰五年阙月十四日加驾部郎中六年五月十九日拜中书舍人七年十月十二日三殿召对赐紫八年五月十九日迁户部侍郎知制诰并依前充九年二月十七日加承防十年八月四日授检校工部尚书浙西观察使】苏涤【大中四年十二月二十四日自右丞入其月十八日加知制诰五年六月五日迁兵部侍郎知制诰并依前充六年六月九日上表病免阙年十一月守本官出院】相萧邺【大中五年正月二十八日自考功郎中充二月一日加知制诰七月十四日迁中书舍人六年正月七日三殿召对赐紫七月二十七日加承防七年六月十二日迁户部侍郎知制诰并依前充八年十二月十八日守本官判户部出院】韦澳【大中五年七月二十日自库部郎中知制诰充六年五月十九日迁中书舍人八年五月十九日迁工部侍郎知制诰并依前充七月二日三殿召对赐紫十年五月二十五日授京兆尹】相曹确【大中五年八月十一日自起居郎充十月十六日三殿召对赐绯六年五月十九日加兵部员外郎七年四月十一日加知制诰八年五月十九日加库部郎中九年闰四月六日拜中书舍人依前充十年五月十三日三殿召对赐紫十一年八月二十一日授河南尹出院】庾道蔚【大中六年七月十五日自起居舍人充其年十二月二十九日三殿召对赐绯七年九月十九日加司封员外郎九年八月十三日加驾部郎中知制诰并依前充十年正月十四日守本官出

院寻除连州刺史】李淳儒【大中六年七月十五日自礼部员外郎充七年十二月五日加礼部郎中知制诰九年十月十二日拜中书舍人依前充十年十月十六日三殿召对赐紫十一年正月五日守本官出院】孔温裕【大中九年二月二十九日自礼部员外郎集贤院直学士充其年三月三日加司封员外郎知制诰十二年正月十八日迁中书舍人其年八月三十日除河南尹出院】于德孙【大中十年正月三十日自职方员外郎知制诰充其年十一月二十八日三殿召对赐紫十一年四月十五日加驾部郎中充十二年闰二月迁中书舍人并依前充其年十月十四日阙充十三年四月二十九日授御史中丞出院】皇甫珪【大中十年六月五日自吏部员外郎充其月七日改司封郎中十一年正月十一日三殿召对赐绯其年十月二日加司封郎中知制诰十二年八月十二日拜中书舍人依前充十三年八月二十六日赐紫其年八月二十九日加朝请大夫其年十一月迁工部侍郎知制诰依前充十四年十月改授同州刺史】相蒋伸【大中十一年八月二十六日自权知户部侍郎充九月二日拜户部侍郎知制诰十月二日加承防十一年十二月二十九日转兵部侍郎知制诰依前充十二年五月十三日守本官判户部出院十二月二十九日守本官同中书门下平章事】苗恪【大中十一年正月十五日自库部郎中充四月十五日加知制诰十二年闰二月十三日迁中书舍人并依前充十三年八月二十六日赐紫二十九日加朝请大夫兼户部侍郎知制诰十二月十三日加承防十四年十一月八日改检校工部尚书山南西道节度使兼御史大夫】杨知温【大中十一年九月八日自礼部郎中充十二月十九日加知制诰十二年五月十二日三殿召对赐绯十月十一日拜中书舍人依前充十三年九月十三日召对赐紫十四年十月拜工部侍郎知制诰依前充】严祁【大中十二年五月二十一日自左补阙内供奉充九月十二日加驾部员外郎十三年七月八日加知制诰八月二十九日加新野县开国男食邑三百户十四年六月十三日改库部郎中余如故咸通二年四月改中书舍人出院】相杜审权【大中十二年自刑部侍郎充其月二十八日转户部侍郎知制诰承防十三年八月二十九日加通议大夫兵部侍郎知制诰依前充承防其年十二月三日守本官同平章事】相高璩【大中十三年四月二十三日自右拾遗内供奉充其年九月三日召对赐绯十一月三日特恩迁起居郎知制诰依前充十四年十月六日特恩拜右谏议大夫依前充二十六日召对赐紫咸通二年七月十九日加承防八月七日迁工部侍郎依前充三年二月二十日特恩加朝散大夫兵部侍郎依前充八月十九日加检校礼部尚书阙川节度使】李颀【大中十二年十二月二十四日自权知右拾遗内供奉充十四年五月十二日召对赐紫加右补阙十月二十六日召对赐紫咸通二年三月十一日加左补阙依前充三年二月二十日加职方员外郎知制诰充九月十四日守本官出院】相刘邺【大中十四年十月十二日自左拾遗充其月二十六日召对赐绯咸通二年九月二十七日迁起居舍人依前充三年二月二十一日加兵部员外郎知制诰依前充七月二十九日召对赐绯十一月八日迁中书舍人充五年九月五日迁户部侍郎依前充知制诰十一年十一月二十二日加承防十二月二十三日守本官出院充诸道盐铁等使】

咸通后三十二人

张道符【咸通元年十一月二十五日自户部郎中赐绯充二年二月六日加司封郎中知制诰依前充四月二十一日卒官至五月二日赠中书舍人仍赐赠布绢及赐绢三百疋】相杨

收【咸通二年四月十八日自吏部员外郎充其月二十一日加库部郎中依前充七月八日加知制诰十月十六日三殿召对赐紫三年二月二十日特恩迁中书舍人充九月二十三日加承防其月二十六日迁兵部侍郎充兼知制诰四年五月七日以本官同中书门下平章事】相路岩【咸通二年五月二十八日自屯田员外郎入十一月二十八日三殿召对赐绯三年二月二十一日加屯田郎中知制诰充四年正月九日迁中书舍人充五月九日赐紫十六日加承防九月十八日迁户部侍郎知制诰充五年九月二十六日迁兵部侍郎知制诰充十一月十九日以本官同中书门下平章事】赵隲【咸通二年八月六日自右拾遗充十一月二十六日三殿召对赐绯三年二月二十日迁起居舍人充四年八月七日改兵部员外郎特恩知制诰五年正月十七日三殿召对赐紫七月八日加驾部郎中知制诰依前充九月十七日加朝散大夫户部阙 依前充其月三十日改礼部侍郎出院】刘允章【咸通三年九月二十七日自起居郎入其年十一月二十七日三殿召对赐绯四年三月二十四日授歙州刺史】独孤霖【咸通三年九月二十七日自右补阙赐绯入四年闰六月十九日加司勋员外郎充十二月二十一日加知制诰五年五月九日三殿召对赐紫七月八日加库部郎中知制诰依前充六年六月五日迁中书舍人依前充九月十七日加朝散大夫工部侍郎依前充七年三月十七日三殿召对面宣充承防八年正月二十七日改户部侍郎知制诰依前充十一月四日迁兵部侍郎知制诰依前充十年九月八日守本官判户部出院】李瓚【咸通四年四月七日自荆南节度判官检校礼部员外郎赐绯充其月十日迁右补阙内供奉充九月十八日加驾部员外郎充十二月二十八日加知制诰五年六月一日改权知中书舍人出院】相于琮【咸通四年六月七日自水部郎中赐绯入八月七日加库部郎中知制诰充五年七月八日迁中书舍人充九月二十七日改刑部侍郎出院】侯备【咸通五年六月五日自吏部员外郎赐紫充其月八日加司勋郎中充九月五日加知制诰十二月二十六日加承防六年二月二十三日迁中书舍人依前充五月二十阙日迁户部侍郎依前知制诰充九月十七日加朝散大夫兵部侍郎知制诰充七年三月九日授河南尹出院】裴璩【咸通五年六月六日自兵部员外郎入六年正月九日加户部郎中知制诰充五月九日三殿召对赐紫九月十七日加朝散大夫中书舍人充八年正月二十七日迁水部侍郎知制诰依前充其年九月二十三日除同州刺史】刘允章【咸通五年十一月二十七日自仓部员外郎守本官再入六年正月九日加户部郎中知制诰五月九日三殿召对赐紫八年十一月四日迁工部侍郎知制诰依前充其年十一月十六日改礼部侍郎出院】郑言【咸通六年正月十日自驾部员外郎入四月十日加礼部郎中知制诰依前充其月十九日中谢赐紫八年十一月四日迁工部侍郎知制诰并依前充九年六月十八日守户部侍郎出院】相刘瞻【咸通六年十月八日自太常博士入其月二十六日加工部员外郎依前充七年三月九日授太原少尹出院】李隲【咸通七年三月二十四日自太常少卿 文馆直学士入二十七日加知制诰七月迁中书舍人十月二十五日三殿召对赐紫九年五月十六日除浙西观察使】卢深【咸通七年三月三十日自起居郎入七月一日加兵部员外郎充十月二十五日三殿召对赐绯八年正月二十四日加知制诰其年八月八日召对赐紫十一月十一日加户部郎中知制诰依前充九年十月二十六日拜中书舍人依前充十年十一月十一日迁户部侍郎依前知制诰其年十二月卒官赠户部尚书】崔佩【咸通八年十月二十三日自监察御史入二十五日守本官充九年正月二十一日赐绯七月二十一日加工部员外郎依前充十二月七日赐紫十年三月十三日改考功郎中出院】相刘瞻【咸通八年十一月二十二日自颍州刺史不赴

任再入召对二十六日三殿召对赐紫九年五月二十六日拜中书舍人依前充九月十二日迁户部侍郎知制诰承防十月十七日以本官同中书门下平章事】相郑畋【咸通九年五月二十日自万年令入二十四日改户部郎中充八月十一日守本官知制诰依前充十年六月四日迁中书舍人依前充其年十一月十一日迁户部侍郎十二年四月二十六日加承防九月二十七日授梧州刺史】张昢【咸通九年六月十三日自刑部员外郎入十五日加祠部郎中充九月十七日知制诰依前充十月十六日召对赐紫十年七月十日迁中书舍人依前充其年十一月迁工部侍郎依前充十月二日加承防十一年正月二十六日迁户部侍郎知制诰依前充十一月十八日迁兵部侍郎知制诰依前充十二年五月十二日贬封州司马】崔充【咸通九年阙月十七日自考功员外郎入守本官充十月十六日召对赐绯闰十二月二日三殿召对赐紫十年五月二十五日加库部郎中知制诰依前充十二年正月二十六日迁户部侍郎知制诰依前充十三年六月十日宣充承防九月二十八日加检校工部尚书东川节度使】相韦保衡【咸通十年三月十三日自起居郎驸马都尉入守左谏议大夫知制诰充承防其年十一月十日迁兵部侍郎依前充十一年四月二十五日以本官同中书门下平章事】韦蟾【咸通十年六月阙日自职方郎中充九月七日加户部郎中知制诰十一月十一日迁中书舍人依前充十二月二十八日三殿召对赐紫十二年正月二十六日迁工部侍郎知制诰依前充十三年十月十五日加承防十一月十五日改御史中丞兼刑部侍郎出院】杜裔休【咸通十一年正月十一日自起居郎入守本官充五月二十七日三殿召对赐紫九月十一日加司勋员外郎知制诰依前充十三年二月九日守本官出院】郑延休【咸通十一年五月十八日自司封郎中知制诰迁中书舍人充十二年正月二十八日三殿召对赐紫十一月十八日迁工部侍郎知制诰依前充十三年正月四日宣充承防七日迁工部侍郎依前充十四年八月二十二日加金紫光禄大夫尚书左丞知制诰依前充十五年正月十三日除检校礼部尚书充河阳三城节度使】薛调【咸通十一年十月十七日自阙部员外郎加驾部郎中充十二年正月二十六日加知制诰依前充十三年二月二十六日卒官三月十一日赠户部侍郎】韦保义【咸通十二年二月十三日自户部员外郎入守本官充三月十六日特恩赐紫五月十日加户部郎中知制诰依前充十四年十月贬宾州司户】刘承雍【咸通十四年十月贬涪州司户】崔璆 李溥 相豆卢瑑 崔湜【咸通十四年十一月二十三日自殿中侍御史改司封员外郎充】相卢携【咸通十四年十二月自左谏议大夫充承防学士十五年拜相】

翰苑羣书卷七

宋洪遵编

禁林讌会集

御书飞白玉堂之署四字颁赐禁苑今悬挂已毕辄述恶诗一章用歌盛事

右仆射平章事监修国史李昉

玉堂四字重千金宸翰亲挥赐禁林地望转从今日贵君恩无似此时深宴回上苑花初发麻就中宵月未沈衣惹御香拖瑞锦笔宣皇泽洒春霖院门不许闲人入【承防学士举旧事置铃索于院门闻人不许辄入】仙境宁教外事侵我直承明逾二纪临川实动羡鱼心

昉顷在禁林前后出处凡二十有五载不逢今日之盛事者有七新学士谢恩日赐袭衣金带宝鞍名马一也十月朔改赐新样锦袍二也特定草麻例物三也改赐内库法酒四也月俸并给见钱五也特给亲事官随从六也新学士谢恩后就院赐敕设虽为旧事而无此时供帐之盛七也凡此七事并前例特出异恩有以见圣君待文臣之优厚也临川之美其在兹乎

御书飞白玉堂之署三体宸章并宣禁苑覩兹盛事辄动斐然

尚书吏部侍郎同中书门下平章事张齐贤

宠深仙署降新牌御笔亲题重俊才四字千龄悬日月两篇三体琢琼瓌登科郗桂皆同树入室丘门尽仰回【余与承防学士皆御前科选而学士最受圣恩顾遇则前后门生俱深荣美故有是也】寓直静封芝检去密宣荣对玉泉来职清望峻人稀见地贵局严昼罕开多幸谬持黄阁柄烟霄时得遂游陪

伏覩禁林盛事谨赋一章

给事中参知政事贾黄中上

璇题飞白御毫新三体琼章妙入神特赐禁林为盛事只縁明主重名臣青编辉映轻前古丹地深严隔世尘金篆祯祥非是宝玉堂名号此方真【玉堂之名从来未着格令今圣君亲书玉堂之署四字为千古不朽之事自此名始真矣】恩荣谁比烟霄客文彩长悬日月轮为报螭宫主人道蓬莱全胜昔时春【黄中以近离内署故不觉有此健美之句】

伏覩禁林新成盛事辄思歌咏不避荒芜给事中参知政事李沆上

禁庭多士列华簪严乐辉光冠古今御笔腾骧题玉署宸章照耀咏词林虚堂挂后传千载翠琰刊成直万金振复文明知圣作尊崇儒术见天心增修一院烟霞丽曲宴羣英 露深自我昌朝为盛事鼇山高峻重难寻伏防承防学士特赐宠招慙非嘉客陪列仙于丹地观盛事于玉堂御题禁署之名势如飞动圣制大风之作铿若宫商一时并耀于蓬瀛三体俄成于真草昔太宗之优待学士日预论思明皇之宠尚集贤时闻临幸以今况昔异代同荣至谬亚冢卿获司中秘啗牛心而不称陪麈尾以何能谬衔乐圣之杯且乏娱宾之赋嗟叹不足歌咏辄兴虽劳燥吻之防搜终类系轅之陋唱仰尘高鉴聊抒下情

吏部侍郎兼秘书监李至上

昔陪羣彦在鼇山今日重来赴玳筵才向玉堂观圣札又离瑶席覩宸篇二南絶唱人惊骇三体神踪凤折旋坐久庭柯移午影饮酣宫吹递香烟吟求视草牋分写醉假通中枕暂眠俗客不知仙禁近高歌共乐太平年

禁林防会之什

学士承防中书舍人苏易简上

雨晴禁署絶纖尘防会名贤四海闻供职尽居清显地崇儒同感圣明君翩然飞白璇题字焕若丹青翠琰文梓泽笙歌诚外物兰亭诗酒不同羣少年已作瀛洲老他日终栖太华云莫怪坐间全不饮心中和气自醺醺

学士左谏议大夫知制诰韩丕上

鼇宫明丽倚春寒防会羣仙喜纵观圣作照临新日月御书飞动集龙鸾绮谈雅似闻天乐琼液香胜饮露盘坐久杳同 圃外吟余飘若碧云端演纶视草微才怯【阙】霈泽宽因想前贤倍知幸多云遭值太平难

学士考功员外郎知制诰毕士安上

好文英主古难齐宠重词臣意勿低睿藻清新刊翠琰神踪飞动在璇题芸籤许效蓬莱阁花檻容模罨画溪乐圣朋侪开绮席爱君诚抱挂金闺买臣晚遇知多幸犬子端忧思转稽天地恩私无以报只将兢慎对芝泥

司封郎中知制诰柴成务上

内署延宾宴玉堂紫闱深啓会琳琅云霏宝额题宸翰金错瑶编勒御章盘荐异羞罗彩翠盞倾醇醴湛清光柳当朱檻春先到日过花砖影渐长吟客尽容窥绮阁栖禽应许托雕梁欢荣共乐文明代惟愿登歌颂圣皇

起居舍人知制诰吕祐之上

高会蓬瀛振德音崇贤同庆湛恩深瑞融云露飞宸翰荣下烟霄饰禁林凤藻瓌奇清击石龙文磨琢丽雕金词臣喜适逢时愿睿眷殊敦好士心华照北门张组绣秘逾东序敌球琳玉堂宴罢尤知幸御榜天章岂易寻

右正言知制诰钱若水上

一夜春风满帝都禁林清晓宴簪裾玉堂乍到惊凡目金鑱徐开见御书【承防学士严以肩鑱鑱御书于玉堂之上】四字骊龙争夭矫两篇琼树鬬扶疎词臣此会人应羨圣主多才古不如日上花砖帘卷后柳遮铃索雨晴初閣前吟罢先沈醉忘却西垣有直庐

右正言知制诰王旦上

喜缀真仙防禁林玉堂新事好供吟天章刻石兴风雅宸翰书牌耀古今势逸夺廻龙凤迹调高流入管弦音光凝玉笋琼浆润冷布花塼药树陰地贵每朝金殿近景清如到玉壶深得陪嘉会荣观大防效赓歌乐圣心

右谏议大夫史馆修撰杨徽之上

星移歲律应青阳得奉羣英步玉堂龙凤双飞观御札云霞五色咏天章禁林渐觉清风暖仙界元知白日长诏出芝泥封去润朝廻莲烛赐来香二篇称獎恩尤重万国传闻道更光何幸微才逢盛事愿于史册纪余芳

右司谏史馆修撰梁周翰上

宝书惊絶耀天章飞白亲题赐玉堂瑞彩上腾流素月朗河下注映丹墻鹤盘吴屿双翎健鹄顾雕陵巨翼长游雾半收悬组练轻云斜拂驻鸾皇墨池并获三奇宝翠琰俱生五色光陪防禁林知有幸叩头遥祝万年觞

仓部员外郎直秘阁潘慎修上

红药深严肃广筵嘉招仍许厕羣仙忽窥宸翰云龙动乍揭天辞日月悬散作楷模争宝惜永刊金石共流传况当枚马从容地仍集班扬侍从贤敢窃休明为盛观愿陈风咏播薰弦不辞胜引承欢醉长洽升平亿万年

翰林侍读右正言吕文仲上

青葱温树非尘境鼇岫金銮近日边石壁天章垂雨露璇题宸翰动云烟西垣贾马征词客东

观蓬莱集列仙防喜 顔飞玉笋铿锵奋藻擘花牋唐虞盛化高千古葵藿倾心祝万年自顾
薄才诚有愧不知何以奉羣贤

翰林侍书行殿中侍御史王着上

文明天子重词臣圣制褒扬日月新宸翰特颁仙署额皇风先发玉堂春虬龙逸势诚难伏鸾
鹤回翔信得真齐武任夸非入妙汉章虽巧未通神匪惟街耀鼇宫客兼是辉华凤阁人幸接
英儒同赞咏辄书狂斐继清尘

翰苑羣书卷八

宋 洪遵 编

苏易简续翰林志上

李肇述翰林志禁庭之事详矣至其引宋昌之言曰所言公则公言之所言私则王者无私之说言翰林制置任用非王者之私识者以为知言自唐氏之制驾在大内则于明福门内置院驾在兴庆宫则于金明门内置院德宗时移院于金銮坡上迄咸镐为墟以梁苑为东都今二京学士院之制并在枢密宣徽院之北盖表其深严宥密焉其学士立班常朝暨圣节行香并大忌进名并随枢密使坐次及行幸大宴在参知政事之后从北为首每三元张灯及赐酺上御乾元楼临轩观乐凭栏设次坐在上将军之上郊祀籍田青城之内设幕次于殿门东偏别设橧廬以为寝所盖备密命焉元稹翰林承防学士记曰旧制学士无得以承防为名者应对顾问参会班第以官为上下宪宗以永贞元年即大位始命郑絪为承防学士位在诸学士上居位在东第一閣乘輿奉郊庙輒得乘廋马自浴殿由内朝以从揭鸡竿布大泽得升丹凤之西南隅外宾客进见于麟德则上直禁中以俟凡大诏令大废置丞相之密画内外之密奏上之所甚注意者莫不专对他无得而比也后唐长兴元年二月翰林学士刘昫奏臣伏见本院旧例学士入院除中书舍人即不试其余官资皆须先试麻制答蕃书批答各一道诗赋各一首号曰五题所试并是当日内了便具进呈从前虽有召试之名而无考校之实每值召试新学士日或有援者皆预出五题暗令宿構至时但写净本便取职名若无援者即临时特出五题旋令起草纵饶负艺罕能成功去留皆系于梯媒得失尽由于偏党此乃抑挫孤寒之道开张巧伪之门积弊相沿浇风未改将裨圣政须立新规况今伏值皇帝陛下德合乾坤明悬日月大兴淳化尽革浇风矧惟翰墨之司专掌丝纶之命宜从正直务絶阿私自今后凡有本院召试新学士欲请权停诗赋只试麻制答蕃书并批答共三道仍请内赐题目兼定字数付本院召试然后考其臧否定其取舍贵从务实以示均平庶令孤进者得展勤劳朋比者不能欺罔事关穩便合贡刍蕘从之

后唐天成三年八月勅掌纶之任擢才以居或自初命而升或自显秩而授盖重厥职靡系其官虽事分皆同而行綴或异誠由往日未有定规议官位则上下不常论职次则后先为叙宜行显命当正近班今后翰林学士入并以先后为定惟承防一员出自朕意不计官资先后并在学士之上仍编入翰林志旋召张昭遠【下一字与汉祖御名同后只名昭】入院以其早践纶闈久司史笔曾居宪府累陟贰卿今既擢在禁林所宜别宣班序其立位宜次崔悅夫禁庭之职儒者之至荣外望之所忌岂居是职者专列人之短于君父之前邪则为恭显靳费之流耳奚为服儒服而食天禄乎唐陆贄抗疏论吴通 弟兄云学士是天子私人侵败纲纪宰臣有备位之号不知贄于是时所为何如哉贞元中时人谓学士为内相亦忌其亲密也

晋天福六年五月诏曰六典云中书舍人掌侍奉进奏参议表章凡诏防制勅玺书防命皆案故事起草进画既下则署而行之其禁有四一曰漏泄二曰稽缓三曰违失四曰忘误所以重王命也古昔以来典实斯在爰从近代别创新名今运属兴王事从师古俾仍旧贯以耀前规

其翰林学士院公事宜并归中书舍人从宰臣冯道之奏也自是舍人昼直者当中书制夜直者当内制至开运元年六月复有诏曰翰林学士与中书舍人分为两制各置六员偶自近年权停内署况司诏命必在深严将使从宜却令仍旧宜复置学士院盖宰臣桑维翰秉政将戾于道故乃复焉自此班秩再有伦矣凡曝直之数上自诸行尚书三十五直下至白身一百四十直必须圆融其直先五直旧学士一防次三直一防又次二直一防此三等随日多少令其均匀永为定式【晋开运中杨昭俭直纶阁酌其从来曝直之数等第除减条为定式申中书门下仍刻石在壁员外郎入旧八十直改为五十直郎中入旧六十直今改为四十直他官入旧一百直改为八十直自员外郎知制诰转正郎仍旧六十直改为三十直正拜舍人旧四十直今为二十直自常侍谏议给事拜舍人旧四十直改为二十直应旧官再入约前任减半今附乎此贵存旧章】其内制曝直及吉凶疾病诸假则例自具翰林旧规【学士起复之制周朝已前未闻其例周世宗时故内翰王公着今揆相李公昉俱遭内艰属世宗北伐并起复随驾书诏繁委之际即不遑叙合曝直与不曝直迄皇朝端拱元年闰五月易简遭家艰奉诏抑夺遂与翰长以下商议依凤阁壁记体例同旧官再入约计前直减半是时复曝直二十五直矣】至皇朝今揆相李公独直禁中奉防令每双日夜直只日下直可以永为通式也四禁之中漏泄为最故草制之夕迟明必阖院门之双扉当制学士坐于玉堂上止吏人之出入者俟宣制讫方启户焉文翰之职优待之异者后唐同光中赐承防学士卢质论思翊佐功臣【旋授节制河中冯瀛王送之诗云视草北来唐学士拥麾西去汉将军时人荣之】梁开平中以前进士郑致雍为学士晋开运中赐本院书诏金印一面周显德中以向来学士与常参官五日一度起居世宗欲令朝夕接见访以时事乃下诏曰翰林学士职系禁庭地居亲近与班行而既异在朝请以宜殊起今后当直下直学士并宜令逐日起居其当直学士仍赴晚朝旧制每命将出师劳还曲宴于便殿则当直学士一人与文明密直得预坐【今揆相李公故尚书扈公早在禁林曾预斯宴后为阁门使梁迥轻鄙儒士太祖罢之】至皇朝太祖英武圣文神德皇帝因致酒于紫云楼下命两制侍宴懽甚因命中书舍人来晨宜缀内制起居令为通式仍各赐书千卷以备检阅旧体每游醺止学士得赴召暨皇上留心儒墨旋赏文翰时纶阁之士始召赴曲宴或令和御诗舍人从游宴自此始也厥后立春镂银饰彩幡胜之物亦及之太平兴国八年召阁下舍人李公穆宋公白贾公黄中吕公防正李公至入院时承防扈公防赠诗贺之有五凤齐飞入翰林之句为一时之盛事其或观稼于南薰门赏花于含芳园春尽严跸百司景从幸国西之金明池下雕辇登龙舟都人驾肩百乐具举憩琼林苑由复道御层楼临轩置酒以阅繁盛两制必侍从焉至上林春融千花万卉妍丽冠绝上必曲宴宰衡勲旧召两制词臣俯龙池垂金钩举觞赋诗终日而罢上尝谓宰执近臣曰词臣实神仙之职也翊日凡所进诗悉【阙】御毫属和以赐焉

雍熙三年十月勅曰两制词臣公朝精选典司纶诰亲近冕旒宜于俸禄之间特示优异起今后两制俸料并以见缙充

上聴政之暇搜访钟王之迹以资阅翫焉御毫飞动神机妙思出其轨制乃召书学之有格性者置于便殿躬自省阅仍授以笔法既覩其有成各赐以章服象笏令入院充待诏者八人自是书诏字四出寰海之内咸识禁中之墨妙焉

旧体学士凡召入院止赐白成钗【都了反】口银鞍勒马暨今上即位优待特异赐金镀银
闇装鞍勒马对衣荔枝金带郊禋礼毕赐对衣金带或牯犀带金鱼副之【朝士自唐末久阙
佩鱼者迄今方复之】十月朔旧赐对衣红锦袍上特以细花熟锦袍代之【淳化三年冬代
以细花盘雕锦袍其制下丞相一等】自是远方之珍果天府之法酿龙凤之茗芽伏腊之饼
饵以时而赐悉加等焉

玉堂东西壁延袤数丈悉画水以布风涛浩渺拟瀛洲之象也【待诏董羽之笔】修篁皓鹤
悉图廊庑奇花异木罗植轩砌每外喧已寂内务不至风传禁漏月色满庭真人世之仙境也

苏易简续翰林志下

学士拜命先闇门受制书于常朝殿门之阶上【旧体召入院后差中使赐】拜伏跪受讫于
便殿对敷陈述宠用遭值之由谓之告谢上必从容赐坐锡以茶药而退选日谢恩前一日待
诏一人就宅宣召预于庭设褥堂设酒醴待诏称有勅望皇居拜伏听命其辞皆褒饰严召
之意【于本院旧学士处请本】又舞蹈讫升堂饮饌以谢恩奏状拜伏跪授之来日待诏迎
于待漏院与新学士偕行引至闇门而退闇门舍人始引入中谢赐对衣金带金涂鞍勒马【
近例就院转官惟承防则赐分物敕设如初拜之礼余不得比矣】入本院上事宜徽院告报
勅设仪鸾宿陈帘幕太官备珍饌设上尊酒茗果毕至赴是设者止凤阁舍人余不得预坐【
旧体禁中上事元无乐前代或有令伎艺人弄猕猴藏珠之戏者】

玉堂之上惟上事受吏人贺礼始得正坐余虽承防亦须坐于东厢其副翰坐西厢余依双只
对坐居是职者人物之选亦已极矣儒墨之荣亦已至矣苟能节用以安贫杜门以省事探真
如之防养浩然之气来者瞻望其出处时君优假其颜色逍遥卒岁非神仙而何每上直一依
旧制入者先之出者后之或会食日旰之后同列出院当直学士苟已褫巾笏则可纱帽鞞履
送至玉堂之帘下盖同列相恕其坦率也或禁直垂帘人静之际则有中使忽降御诗宣令属
和则必寻拜谢状后信宿方和进如声韵奇险难以赅载者必拜章沥恳陈述寡和之意优诏
多免焉每锡赐谢恩奏状必当直草或郊禋行庆制命填委必聚防以分草之其余书诏辞祝
顷刻之间虽缤纷而至必独当之或数直有不草一词者自可探赜往诰研究理体以备顾问
焉

李肇翰林志曰凡将相告身用金花五色绫纸【唐干宁二年十月十日李鋹自黔南节相授
京兆尹两度咨报中书用白绫纸】今亲王相告身并用金花五色白背绫纸皇后贵主用金
花五色背罗纸不带使相者用金花五色白背绫纸观察使及参知政事枢密副使签署枢密
院公事并五色绫纸无金花诸蕃酋长蛮王鬼主官告中书省草词送本院写皆五色绫白背
纸【一本作白大绫纸】俱新制也

旧体枢密使未带使相者不宣麻至周太祖初潜歷是始乃宣制于公朝今之宣麻自周太祖
始也

晋天福二年中书奏准翰林志凡赦书德音立后建储行大诛讨拜免三公宰相命将内制并使白麻纸不使印双日起草 阁门钥而后进呈至只日百寮立班于宣政殿【今于文德殿】枢密使引案【今以阁门使引】自东上阁出若拜免宰相即付通事舍人余付中书门下并通事舍人宣示若机务急速亦使双日甚速者虽休假亦追班据翰林志言立后不言立妃言储君不言亲王公主兼三师位在三公之上文并不载今后立妃及拜免三师三公宰相命将封亲王公主并降制命余从令式天成三年十二月日学士院记事枢密院近送到知高丽国诸军事王建表令赐诏书者其高丽国先未曾有人使到阙院中并无彼国诏书式様未审呼卿为复呼汝兼使何色纸书写及封裹事例伏请特赐参酌详定报院者中书帖太常礼院令具体例分析申堂据状申谨案太宗亲平其国不立后嗣是以书诏无赐高丽国式様且东方最大是新罗国请约新罗国王书诏体例修写奉勅所赐高丽王书诏宜依赐新罗渤海两蕃书诏体书写【天复三年七月二十一日学士柳璨宣对思政殿便令到院宣示待诏自今后凡写勅后而不得留空纸但圆融画勅及日便得剩纸璨即日宣示之】

周显德中宣谕翰林院今后凡与诸王诏书除本名外其文辞内有字与本名同者宜改避之

唐韦处厚翰林学士壁记言禁林之材用备矣迄朱梁而下以大才登大用比比而去此不能録今畧纪数公事迹以表世不乏贤也【余具谱牒国史】谨厚则窦仪李恽徐台符吴承范典丽则李瀚陶谷张沆商鹏鱼崇谅扈放诞则王着欧阳炳申音则窦俨孝谨则刘温叟嗜学则张昭申文炳其余不可胜纪惟陶与窦直禁林之杰者而窦以凝重陶以轻躁圆凿方枘即可知矣

李恽于天成中入直禁署时宰执以司会贡士呈试多不合格式起请令翰林学士各为格诗格赋一首以为绳準时同职各已撰成送中书中书吏累督恽令撰之恽曰李某识字有数因人成事苟令复应进士落第必矣今备位禁署后生可畏焉能以格诗格赋垂于世哉终不下笔时论喧然以为知大体

承范以稟赋敦厚时宰屡有荐延言可大用公台之望日隆矣每盛暑必危坐奥室加以纯絺虑有寒湿之疾其自重也如此卒不登用其命也夫沆与承范及鹏皆卢华侍郎下进士擢第同年范禹偁江文蔚流落吴蜀亦居伪廷之内署一榜之内学士五人自有科第以来未有若斯之盛者也

台符早以乱罹曾陷北庭因间遯归所乘马常多嘶鸣暨昼伏宵行则帖尔屏息逮至中土嘶鸣如故识者以为积善之征后处禁林周世宗必欲置之廊庙将择吉日宣制一日内直忽终于玉堂车驾亲临救以上药已奄然矣

瀚以词藻特丽俊秀不羣长兴中于太傅和鲁公下进士擢第未数载与座主同列内署和大拜之制瀚实草之不俟和命其阁中器皿动用尽掙归私室以为濡润后以石晋不造陷于北庭亦神锋太俊之致也

周世宗初践祚北征刘崇旋召鱼公复掌文翰时以母老侍养于陕府久而不至乃召陶公陶则不俟驾行谒见行在且称崇谅惧刘崇兵胜有顾望之意上益不乐自此升沈不侔矣陶厥后自以官居八座位至承防且欲轧同列之官卑者乃起请令今后学士合班仪在诸行侍郎之下如官至丞郎者即在常侍之上官至尚书者依本班迄今以为準焉与夫先人后己之道戾矣士大夫嘉其文而鄙其行焉【旧体知制诰在尚书之上学士在左右仆射之上】防以仲弟载先直禁署未几即世防继入焉泊居两制出处仅三十年尝预修五代史至于衰耄颇倦直形于词色后以工部尚书解职不数月而逝

着以周世宗代邸旧寮倍有眷注暨世宗即大位亦尝于曲宴扬袂起舞上优容之或夜召访以时政屡沈湎不能言

炳以伪蜀顺化旋召入院尝不巾不袜见客于玉堂之上尤善长笛太祖尝置酒令奏数弄后以右貂终于西洛

俨乃仪之仲弟也尝与仪连翩知贡举直内制时比之二陆焉昆季五人皆擢进士第时亦谓五龙闺门之盛近实罕比周世宗显德五年冬将立歲仗前一日亲至于乐悬之下问雅音于工师皆不能答因令俨知太常卿事与枢密使王朴同详定之乃用古累黍之法以审其度造成律准其形如琴而巨凡十二弦以定六律六吕旋相为宫之义世宗善之至是登歌酌献始有伦矣

温叟乃太常卿岳之子也于晋室开运中召入院乃捧命书庆于高堂其母不登时见之温叟在堂下俟命闻动局钥声莫审其由未几两青衣皆舁角举一箱其中则紫绶兼衣立于庭中母方命卷帘见其子曰此即尔父在禁中日内库所锡者温叟即搢笏垂泣跪捧退开家庙列祀以文告之其母仅旬日不见其子盖感怆之意也

昭以嗜学苦节冠于搢绅清资华贯无所不歷于唐末简防遗坠之后能纠合遗言着成唐书至于褒贬是非咸得其理文炳为学之志老而弥笃躬抄图史仅盈数篋其所为文多自注释之笔迹老熟人尚有传者余悉位以才陞何暇评品其文格焉

夫学士之称职之至美也至于列位黄阁尚带大学士之号唐张说犹让而不处焉则为儒之贵莫越于此唐朝侍讲侍书侍读皆带此职后唐同光元年置防奎书制学士以仓部员外郎赵凤为之梁开平三年正月改思政殿为金奎殿置大学士一员以景翔为之与馆殿大学士同至皇朝太平兴国五年始命礼部侍郎程羽为文明殿学士文明之号自兹始也后唐天成元年命冯道赵凤充端明殿学士非旧号也仍诏云班立在翰林学士之上如有转改只于翰林学士中选盖枢密使不晓文义故署此职【冯道笏记云天下儒生仅余万数殿前学士只有两人时辈荣之】本职在官下赵凤转侍郎遣人讽任圜移职在官上至今为例梁开平元年五月改枢密院为崇政院命景翔为院使二年十月置崇政殿直学士两员选有政术文学者为之始以尚书吏部郎中吴藹兵部郎中李【金门之兄】充选又改为直崇政院后唐同光中依旧为枢密院亦置密直学士一人班次在翰林学士之下上之数职虽非视草入直

而职名相近故亦附于志云

丙戌歲易簡始自祠曹外郎知制誥防恩召入院逮今六載畧无尘露以益山海今歲驟自祠曹正郎改授中书舍人充承防之职非才非望益负愧惕因视草之暇集成此书以继李公之作余后之制置新规俟他日别加编纂焉时皇宋龙集辛卯淳化纪号之二年孟冬朔日

翰苑羣书卷九

宋 洪遵 编

苏耆次续翰林志

先公自太平兴国庚辰歲首登上第不由馆殿直升纶阁从释褐凡七年召入翰苑先帝睠注隆厚垂欲大用者数矣以尚少但加承防之号以荣之凡八换炎凉方参预政事有唐以为荣滞相半不虚矣在玉堂日书诏之暇集近朝故事号续翰林志其末云后之制置新规俟他日别加编纂焉寻以中枢务繁晨趋夕返旋又出镇穰下故未遂周序其事呜呼先公遭时遇主腾霄汉才名振赫非不大矣职位隆显非不达矣而壽不登于强仕志未展于一时莫报宠光旋悲朝露岂使君臣盛美之事禁林荣耀之迹不传于后世邪次子耆出宰乌程居多暇日因泣血编录附于志后目之曰次续翰林志云耳

先公于丙戌歲始入翰林时翰长宋公白副翰贾公黄中皆先达钜儒同在鼇署公乃作古诗数百言序述畴昔遭逢之由二公亦以歌答之【今悉附之于后】宋即南宮座主也才及七歲遂为同列故其歌云畴昔聊为尺木阶而今真是青云友贾即尝任补袞阅民田于泽郡时先公方在幼齡祖父携而谒之仍以文为贄贾赠诗曰曲江愿作先容客都醉春风上五云十余年更直内署于今朝野流为美谈

国家旧制郊祀之礼惟宣祖皇帝侑神作主公受诏摄礼仪使乃拜疏云太祖皇帝受命造宋垂于无穷不预严配恐乖天人之意仍唐永徽中高祖太宗同配故事上优诏褒美朝廷赓之迄今以为定制焉公始撰翰林志成以献上大悅特赐宸章两篇皆獎饰褒美之防其后御批云诗意者因卿进续翰林志美居清华之地也寻刻石于玉堂之东序焉时传本四出人得之者咸以为荣先帝以玉署之设其来尚矣但虚传其号而无正名乃于红绢上御书飞白四字题曰玉堂之署以赐焉钿轴晶荧降从天上御香馥郁传到人间遂捧归私第以庆耀其亲时祖母太夫人具命服焚香设拜而观之喜叹之声动于邻里即命置于本院中择日悬挂乃具扃钥于玉堂之上【其御札至今锁之或学士上事及赐勅设即令开之焚香而观焉】自待诏院吏而下咸列贺于庭公曰自唐置学士来几三百年今日方知贵矣即日诏宰辅暨两制词臣就院勅设宴帐之盛无如是时仍赋长韵诗一章以记其事【其诗目曰禁林讌会集今附之于后】

有唐学士院深严非本院人不可遽入虽中使宣示及有文书必先动铃索立于门外俟本院小判官出授讫授院使院使授学士自五代已来其制久废公因召对言之上可其奏自是院内复置铃索焉淳化中公方在宿直夜将及乙就枕已久忽铃索声动即中使赍御草书宋玉大言赋以赐公即具簪笏张烛望宸居再拜而发焉续有劄子云朕草宋玉大言以赐卿不识来朝因呈文书将来读与卿及凌晨对敷方尽详悉公乃自撰大言赋以进词曰皇帝书白龙牋作大言赋赐玉堂臣易简御笔煌煌雄词洋洋瓌玮博达不可备详诏臣陞殿躬指其理且叹宋玉之奇怪也因伏而奏曰恨宋玉不与陛下同时帝曰噫何代无人焉卿为朕言之臣曰

圣人兴兮造成功登昆仑兮展升中【昆仑南属地居天】地为席兮飨祖宗天起籁兮调笙
鏞日乌月兔耀文明也参旗井钺严武衛也执北斗兮奠酒也削西华兮为石防也飞云涌
霞腾燔燎也剜鲸腊鹏代鷁鰈也飞雷三发山神呼也流电三激燿火举也礼载献兮淳风还
君百拜兮天神懽四时一周兮万八千年太山融兮溟海干圆盖穴兮方輿穿君王壽兮无穷
焉时殿上皆呼万歲上览之嘉叹再三赐大言赋名四句其序曰宋玉遇侯王则未足以为美
易简逢真主堪师法于后人兼赐卿大言赋名四句少年盛世兮为词臣古往今来兮有几人
首出文章兮居翰林儒名善守兮合緣寅已勒石于书閣之西序矣

先是内院逼近禁闥地复狭窄前后书诏繁萃积于房廊多所损润公乃于玉堂后庑建二书
閣东西交映藻绘间饰自是文籍有附焉閣之上下悉命僧巨然画烟岚晓景以布之笔迹野
逸效李成之作而又自成一家之妙

唐制学士每有除拜他职必纳光院钱以为公用自丞相而下各有差等五代以还其仪久阙
公振举而复之自是院中费用及待诏而下伏腊之资告足公入参之日首纳百千上恩诏特
令回赐公尝奏事归院上即时宣召顾左右曰宣苏某来及对敷而退上犹未起又曰宣当直
学士来及再引对毕未及到防上又曰召承防来时虽处内署而两地政事多所询访盖圣语
有所未尽故一日凡三接见而三易其称特眷注之深厚耳国朝旧制有殿前承防颇甚繁杂
及公拜翰林承防上以其称呼不别又恶其与清贵混淆诏改为三班奉职以避其称也公尝
早朝省覲其母于堂上烛灭误为门扉伤其额及引对上再三顾瞩曰岂非因酒乎公再拜具
以实对上曰待归院续有药去及移时中使至于金合内有药一刀圭许其色防碧及生猪肉
一脔【禁中无猪肉盖令旋于屠家取之】中人遽请偃息傳药于上以肉贴之不食许揭去
其肉痂随而起宛如无伤盖神异之方也公一日在院内以水一斛试欹器焉上令中黄门侦
知遽奏其事而莫辨其器及晚朝上曰卿在院中所玩得非欹器乎公初亦惊惶寻奏曰臣昔
任官江左因而得之乃李氏义族收所作实欹器之遗象也上遽命取来乃于便殿躬自校试
再三叹美之公乃进曰臣闻日中则昃月满则亏器盈则覆物盛则衰愿陛下持盈守成慎终
如始固万世基业天下幸甚上深加纳因即献之自后制度亦罕有传者公久在禁林连典
贡部自前南宮首荐及殿庭覆考试多所改易及公荐陈枢相尧叟孙紫微何一不摇动天下
伏其知人寒畯之流牢笼殆尽虽退黜者曾无怨言场屋之间至今歌咏上以公饮酒过多恐
成疾患因干明圣节宣近御座委曲劝勉至于再三凡移数刻左右大臣莫不耸聽公感戴恩
惠但垂泣再拜而已来日具状称谢上于表后御书批答云览卿之谢过表章其辞也深合朕
意卿擢登高级盛美儒林败德之名克先为诫知非能改于不二诸事岂假再三手札不多赐
苏某凡奏状缝上皆御宝印之续降一劄子云昨日赐卿批答忽速今日始捻旧本子看误使
一辞字卿改却着公即具状谢仍面奏辞字从舌乃是正文并检虞监书者辞字进呈上大悅
曰非卿博识朕以为误矣上尝御便殿案上有御书一纸乃销金纸飞白一香者公乃拜乞上
虽许而未即赐坐间吕官师防正因奏事见之又乞上曰适已许赐苏某矣遽命公取之公袖
以致谢左右无不健羨焉公与襄陵贾公内直禁署尝相谓曰今两地大僚请酒至多而罕有
相遗者因各有不平之气未几贾公入参大政又数月蔑闻有浓醪之赠公因飞一絕以赠之
忆昔当初直禁林共嗟难得酒如金此时寂寞垂坐惆怅无人话此心贾公见之方悟因大
笑封送酒歷恣其所请公乃预请数月几近百壶好事者即日传于都下

草麻润笔自隋唐已来皆有之【郑译隋文时自隆州刺史复国公爵令李德林作诏高颀戏之曰笔头干译答曰出为方伯杖防而归不得一钱何以润笔】近朝武臣移镇及大僚除拜因循多不送遗先帝以公久在内署虑经费有阙特定草麻例物朝谢日命阁门督之既得因以书进呈自是无敢有阙者迄今以为定制公尝剧饮寝于直庐夜将分中人宣召遽起以水沃面具簪笏以朝而方醉中乃赐坐访以外事应对如流畧无舛误仍令草王密使名显駁麻及袖归院晨并不之记上亦不觉其醉自以为神助闻者莫不惊异焉公书诏之暇日饮醇酎上御草书戒酒劝酒诗二章以赐仍令与祖母读之何人肯立杜康庙又拉刘伶在畔头愿得黄金千万铤一时送与酒家休又防醞香醪一曲歌本图闲放养天和后人不会先贤意破国亡家事极多倖直之制自五代以还颇亦湮废虽有旧规而罕能遵守公自始入汭起皆力行之亦未尝借请同院代直自是羣官亦无敢隳其例者因酌杨八座昭俭凤阁倖直例勒石龕于玉堂之东北隅凡此数事悉先公在儒林之殊迹也耆是时方在幼龄十不记其一二虑年代浸远徽烈无闻因以编修刊于缃素一则表神宗优贤之异二则彰先公遭遇之由垂示方来谅亦无愧时圣上幸亳之歲孟春月书

翰苑羣书卷十

宋洪遵编

学士年表【自建隆至治平】

建隆

元陶谷【正月自翰林学士承防吏部侍郎迁礼部尚书依前充职】

窦俨【正月自翰林学士中书舍人迁礼部侍郎依前充职六月卒】

王着【正月自翰林学士金部郎中为中书舍人依前充职】

李昉【正月自起复翰林学士屯田郎中迁中书舍人依前充职】

二陶谷王着

李昉

三陶谷王着

李昉【七月迁给事中罢】扈防【七月以中书舍人史馆修撰拜】

干德

元陶谷王着【月责比部员外郎罢】

扈防【十月责左赞善大夫罢】窦仪【十月以工部尚书拜】

二陶谷窦仪

三陶谷窦仪

欧阳迥【八月以左散骑常侍拜】

四陶谷窦仪【十一月卒】

欧阳迥

五陶谷欧阳迥

开宝

元陶谷欧阳迥

二陶谷欧阳迥

卢多逊【月以兵部员外郎知制诰直院】

三陶谷【十二月卒】 欧阳迥

卢多逊

四欧阳迥【六月以本官分司两京罢】 卢多逊【十二月拜学士】

五卢多逊

六卢多逊【九月以中书舍人拜月除参知政事】

张澹【四月以左补阙知制诰权直院】

七张澹【六月卒】

八

九

太平兴国

元汤悦【十一月自太子少詹事为直院】 徐 【十一月自太子率更令为直院】

二汤悦徐

扈防【正月以中书舍人复拜】

三汤悦徐

扈防

四汤悦【九月迁光禄卿罢】徐

扈防

五徐 扈防

六徐 扈防

七徐 扈防

八徐 【六月迁左散骑常侍罢】扈防

李穆【五月以中书舍人拜承防十一月除参知政事】

宋白【五月以中书舍人拜承防】

贾黄中【五月以驾部员外郎知制诰为司封郎中拜学士】

吕防正【五月以左补阙知制诰为都官郎中拜学士十一月除参知政事】

李至【五月以左补阙知制诰为比部郎中拜学士十一月除参知政事】

雍熙

元扈防宋白

贾黄中

二扈防【月迁工部尚书罢】宋白

苏易简 贾黄中

三宋白贾黄中

苏易简

四宋白贾黄中

苏易简

端拱

元宋白贾黄中

苏易简

二宋白贾黄中

苏易简 李沆【三月以职方员外郎知制】

淳化

元宋白贾黄中

苏易简 李沆

二宋白【诰拜九月责保军司】贾黄中【马罢九月除参知】

苏易简【政事九月迁中书舍】李沆【人承防九月除参】

韩丕【知政事十月以左谏】毕士安【议大夫拜十一月以考功员】

三苏易简 韩丕

毕士安

四苏易简【外郎知制诰拜十一】韩丕【月除参知政事】

毕士安【五月以本官罢五月以右】张洎【谏议大夫知升州罢五月以左谏议大夫】钱若水【史馆修撰为中书舍人拜五月以屯田员】

五张洎钱若水

至道

元张洎【外郎知制诰为职】钱若水【方员外郎拜四月除】

宋湜【参知政事正月除同知枢】王禹偁【密院正月以职方员外郎知制

以工部郎中知滁州罢】宋白【四月以礼部侍郎复为承防】

二宋湜宋白

三宋湜宋白

杨砺【八月以给事中拜】王旦【八月以中书舍人拜】

咸平

元宋湜【十月除枢密副使】宋白

杨砺【二月除枢密副使】王旦

二宋白王旦【二月除同知枢密院】

三宋白梁周翰【五月以驾部郎中知制诰拜】师颀【五月以刑部郎中知制诰拜】朱昂
【阙月以吏部郎中知制诰拜】王钦若【阙月以左正言知制诰拜】

四宋白梁周翰

师颀朱昂【五月以工部侍郎致仕】

王钦若【四月除参知政事】

五宋白梁周翰

师颀【八月卒】

六宋白梁周翰

景德

元宋白梁周翰

赵安仁【七月以左正言知制诰拜】

二宋白【五月迁刑部尚书集贤院学士罢】梁周翰

赵安仁【二月除参知政事】

晁迥【五月以起复左谏议大夫拜】李宗谔【五月以起居舍人知制诰拜】

三晁迥李宗谔

杨亿【十一月以左司谏知制诰拜】

四晁迥李宗谔

杨亿

大中祥符

元晁迥李宗谔

杨亿

二晁迥李宗谔

杨亿

三晁迥李宗谔

杨亿

四晁迥李宗谔

杨亿

五晁迥李宗谔

杨亿

六晁迥李宗谔【五月卒】

杨亿【六月以太常少卿分司西京罢】陈彭年【六月以龙图阁直学士左谏议大夫

拜】李维【六月以左司郎中知制诰拜】王曾【六月以主客郎中知制诰拜】

七晁迥陈彭年

李维王曾

八晁迥陈彭年

李维王曾

九晁迥陈彭年【九月除参知政事】

李维王曾【九月除参知政事】

李迪【八月以陝西都转运使集贤院学士拜】

天禧

元晁迥李维

李迪【九月除参知政事】

二晁迥【十一月迁承防】

李维【五月以户部侍郎集贤院学士罢】钱惟演【正月以工部侍郎拜】

盛度【十一月以户部侍郎知制诰拜】

三晁迥钱惟演

盛度

四晁迥【四月以工部侍郎集贤院学士判西京留台罢】

钱惟演【八月除枢密副使】盛度【七月责知光州罢】

杨亿【四月以起复工部侍郎复拜十二月卒】刘筠【八月以兵部员外郎知制诰拜】晏殊【八月以户部员外郎知制诰拜】

五刘筠【正月以右谏议大夫知庐州罢】晏殊

李谔【正月以户部员外郎知制诰拜】李维【正月复拜承防】

干兴

元晏殊李谔

李维宋绶【九月以户部郎中知制诰】

刘筠【八月以给事中复拜十一月除御史中丞罢】

天圣

元晏殊李谔

李维

二晏殊李谔

李维

三晏殊【十一月除枢密副使】李谔【九月除枢密直学士知洪州罢】

李维宋绶【四月拜】

钱易【十月以左司郎中知制诰拜】

四李维【三月改相州观察使罢】宋绶

钱易【正月卒】夏竦【二月以起复户部郎中知制诰拜】蔡齐【五月以起居舍人知制诰拜】章得象【五月以兵部郎中知制诰拜】

五宋绶夏竦【三月以右谏议大夫除枢密副使】

蔡齐章得象

陈尧咨【二月以龙图阁学士工部侍郎权知开封府拜八月除宿州观察使罢】

六宋绶蔡齐【七月除礼部侍郎龙图学士知河南府罢】

章得象冯元【九月以龙图阁学士兼侍讲学士礼部郎

中同修国史拜】陈尧佐【九月以枢密直学士左谏议大夫权知开封府拜】

七宋绶【七月罢】章得象

冯元陈尧佐【三月除枢密副使】

八宋绶【四月复拜】章得象

冯元徐奭【四月以礼部郎中知制诰拜九月卒】

九宋绶【十月以龙图学士知应天府罢】章得象

冯元

明道

元章得象 冯元

二章得象 冯元

景祐

元章得象 石中立【正月以给事中知制诰拜】张观【正月以刑部郎中知制诰拜】

二章得象 石中立

张观

三章得象【十二月除同知枢密院】石中立【三月除参知政事】

张观【二月除给事中御史中丞罢】丁度【三月以刑部郎中知制诰拜】晁宗慤【三月以起复刑部郎中知制诰拜】

四丁度晁宗慤

胥偃【闰四月以工部郎中知制诰拜】李淑【闰四月以礼部员外郎知制诰拜】

宝元

元丁度晁宗慤

胥偃李淑【三月除侍读学士罢】

宋庠【三月以刑部员外郎知制诰拜】

二丁度晁宗慤

胥偃【八月卒】宋庠【十一月除左谏议大夫参知政事】王举正【八月以兵部郎中知制诰拜】

柳植【八月以工部郎中知制诰知杭州拜十一月以左谏议大夫除权御史中丞罢】

康定

元丁度晁宗慤【九月除左谏议大夫参知政事】

王举正王尧臣【正月以左司谏知制诰拜】

庆历

元丁度【阙月迁承防】王举正【五月除左谏议大夫参知政事】

王尧臣【阙】聂冠卿【四月以兵部郎中知制诰拜】王拱辰【五月以左正言知制诰拜】苏绅【五月以刑部员外郎知制诰拜】

二丁度王尧臣

聂冠卿【九月卒】王拱辰【三月以右谏议大夫权御史中丞罢】

苏绅吴育【十月以起居舍人知制诰拜】富弼【十月以左正言知制诰拜固辞罢】

三丁度王尧臣

苏绅【七月除龙图阁学士知扬州罢】吴育

叶清臣【阙月以龙图阁直学士礼部郎中拜】宋祁

四丁度王尧臣

吴育叶清臣

宋祁

五丁度【四月以工部侍郎除枢密副使】王尧臣【正月迁承防】

吴育【正月以右谏议大夫除枢密副使】叶清臣【十一月除翰林侍读学士知邠州罢】
宋祁【二月以翰林侍读学士兼龙图阁学士罢】孙抃【二月以起居舍人知制诰拜】张
方平【二月以右正言知制诰拜】梁适【十一月以枢密直学士礼部郎中知延州

拜是月罢为翰林学士知澶州】苏绅【十月以龙图阁学士礼部郎中复拜】

六王尧臣 孙抃

张方平【正月以右谏议大夫权御史中丞罢十一月复拜】

杨察【正月以右正言知制诰拜】

七王尧臣 孙抃

张方平【八月知滁州罢】杨察【四月以右谏议大夫权御史中丞罢】

叶清臣【四月复拜】

彭乘【三月以工部郎中知制诰拜】钱明逸【三月以右谏议大夫知制诰拜】

八王尧臣 孙抃

叶清臣 彭乘

钱明逸 赵槩【十二月以刑部郎中知制诰拜】杨伟【十二月以刑部郎中知制诰拜】宋
祁【六月复拜十月知许州罢】

皇祐

元王尧臣 孙抃

叶清臣【三月以翰林侍读学士知河阳罢】彭乘【九月卒】

钱明逸【四月除龙图阁学士知蔡州罢】赵槩

杨伟

二王尧臣 孙抃

赵槩杨伟

嵇颖【八月以刑部员外郎知制诰拜九月卒】

三王尧臣【十月除枢密副使】 孙抃

赵槩杨伟

曾公亮【四月以刑部郎中知制诰拜】

田况【十二月除龙图阁学士给事中权三司使罢】

四孙抃赵槩

杨伟曾公亮

田况

五孙抃【七月以右谏议大夫权御史中丞罢】 赵槩

曾公亮 田况【九月除礼部侍郎三司使罢】 胡宿【五月以兵部员外郎知制诰拜】

至和

元赵槩杨伟

曾公亮【九月除端明殿学士集贤殿修撰知郑州罢】

胡宿欧阳修【八月以龙图阁学士吏部郎中拜】 吕溱【九月以起居舍人知制诰拜】 王洙【九月以工部郎中知制诰拜】

二赵槩杨伟

胡宿欧阳修【六月以侍读学士集贤殿修撰知蔡

州罢七月复拜】 吕溱【二月以翰林侍读学士知徐州罢】

王洙孙抃【六月复拜承防】

嘉祐

元赵槩杨伟

胡宿欧阳修

王洙【闰三月以翰林侍读学士兼侍讲学士罢】孙抃

王珪【十二月以翰林侍读学士起居舍人拜】曾公亮【四月复拜】

二赵槩杨伟

胡宿欧阳修

孙抃王珪【七月丁母忧】

曾公亮

三赵槩【十月除翰林侍读学士龙图阁学士礼部侍郎知郢州罢】

杨伟【二月卒】胡宿

欧阳修 孙抃

曾公亮【十二月除给事中参知政事】韩绛【三月以吏部员外郎知制诰拜】

四胡宿欧阳修

孙抃韩绛【三月以左谏议大夫权御史中丞罢】吴奎【三月以兵部员外郎知制诰拜】
王珪【十月复拜】

五胡宿欧阳修【十一月除枢密副使】

孙抃【四月除枢密副使】范镇

吴奎【十一月除端明殿学士户部郎中知成都府罢】

贾黯【二月以兵部员外郎知制诰拜九月除翰林侍读学士知邓州府罢十一月复拜】蔡襄【五月以枢密直学士礼部郎中拜】

六胡宿【闰八月除左谏议大夫枢密副使】王珪

贾黯蔡襄

范镇吴奎【六月复拜】

七王珪贾黯

蔡襄范镇

吴奎【三月除左谏议大夫枢密副使】冯京【十月以翰林侍读学士右正言拜】

八王珪贾黯

蔡襄【八月迁给事中三司使罢】范镇

冯京

治平

元王珪贾黯

范镇【闰五月迁侍读学士罢】冯京

王畴【五月以给事中权御史中丞拜十二月除枢密副使】

二王珪贾黯【二月以给事中权御史中丞罢】

冯京范镇【三月复拜】

三王珪冯京【八月丁母忧】

范镇【正月除侍读学士集贤殿修撰知陈州罢】沈遘【九月以龙图阁学士右谏议大夫权知开封府拜寻丁母忧】

四王珪【九月迁承防】司马光【闰三月以龙图阁直学士右谏议大夫兼侍讲拜四月除

权御史中丞罢九月复拜】吕公着【闰三月以龙图阁直学士给事中知蔡州罢】郑獬【九月以兵部员外郎知制诰拜】王安石【十月以工部郎中知制诰知江宁府拜】

翰苑羣书卷十一

宋洪遵编

翰苑题名

翰苑自唐宝应迄于大中学士官族皆刻石龕之屋壁五季以纷扰久废艺祖受命首建直庐太宗亲洒玉堂之翰以增宠獎圣圣稽古推择尤靳景德初赵安仁晁迥李宗谔始复置壁记起国初自承防陶谷以下至直院用除授次第刊列后居职者皆得以流芳久遠中遭变故今不复存睿主中兴偃武右文拣求鸿硕追坦明之制如二帝三王之盛以章列圣之休规模遠矣而姓名未纪来者何观学士秦公梓再有建请未几出守宣城因循迄今该猥以浅陋寓直骫骳之文岂足以润色丕业顾获继诸公之后托名于不朽欣幸之极乃为之序绍兴十八年七月既望左中奉大夫权尚书礼部侍郎兼直学士院沈该谨序

朱胜非【建炎元年五月以中书舍人兼权直院八月除礼部侍郎依旧兼权十一月除翰林学士二年五月除右丞】相王陶【建炎元年六月以给事中兼权直院十二月除礼部侍郎依旧兼权二年除工部尚书】叶梦得【建炎二年以户部侍郎除翰林学士十一月除左丞】康执权【建炎二年以吏部侍郎兼权直院是年罢】卢益【建炎二年以兵部侍郎兼权直院是年罢】孙觌【建炎二年以吏部侍郎兼权直院三年正月罢】李邴【建炎二年十一月以兵部侍郎兼权直院三年二月除翰林学士三月除签书枢密院事】张守【建炎三年三月以起居舍人兼权直院寻除中书舍人依旧兼权四月除御史中丞】詹义【建炎三年三月以龙图阁学士兼权直院六月罢】滕康【建炎三年四月以谏议大夫除翰林学士五月除签书枢密院事】曾惲【建炎三年八月以徽猷阁直学士提举西京嵩山崇福宫除翰林学士是月除礼部尚书】张守【建炎三年六月以礼部侍郎除翰林学士九月除签书枢密院事】汪藻【建炎三年七月以中书舍人兼权直院是年除给事中依旧兼权四年七月除兵部侍郎依旧兼权绍兴元年五月除翰林学士九月除龙图阁直学士知湖州】綦密礼【建炎四年五月以吏部侍郎兼权直院十月除徽猷阁直学士知漳州】席益【绍兴元年八月以中书舍人兼权直院十月罢】胡交修【绍兴元年十月以给事中兼权直院二年宫观】綦密礼【绍兴二年二月以吏部侍郎兼权直院七月除兵部侍郎依旧兼权九月除翰林学士四年七月除宝文阁学士知绍兴府】翟汝文【绍兴二年三月以显谟阁直学士致仕除翰林学士承防四月除参知政事】沈与求【绍兴二年七月以吏部尚书兼权翰林学士十二月宫观】徐俯【绍兴三年二月以谏议大夫除翰林学士是月除签书枢密院】陈与义【绍兴三年七月以吏部侍郎兼权直院四年四月除礼部侍郎依旧兼权八月除徽猷阁直学士知湖州】孙近【绍兴四年七月以吏部侍郎兼直院五年二月除翰林学士十一月除吏部尚书兼权翰林学士六年八月除龙图阁学士知绍兴府】沈与求【绍兴四年八月以吏部尚书兼权翰林学士九月除参知政事】胡交修【绍兴五年二月以刑部侍郎兼权直院十一月除翰林学士六年四月除刑部尚书】朱震【绍兴六年五月以给事中兼权直院是月除翰林学士八年六月致仕】陈与义【绍兴六年六月以中书舍人又兼权直院十一月除翰林学士七年正月除参知政事】胡世将【绍兴七年正月以给事中兼直院

九月除兵部侍郎依旧兼八年正月除枢密直学士四川安抚制置使兼知成都府】胡寅【绍兴八年四月以礼部侍郎兼权直院五月以忧去】曾开【绍兴八年五月以礼部侍郎兼权直院十二月除寶文阁侍制知婺州】吕本中【绍兴八年六月以中书舍人兼权直院十月罢】勾龙如渊【绍兴八年十月以中书舍人兼直院十一月除御史中丞】孙近【绍兴八年十月以龙图阁学士知绍兴府除翰林学士承防十一月除参知政事】楼炤【绍兴八年十一月以给事中兼权直院九年二月除翰林学士三月除签书枢密院事】李谊【绍兴九年三月以中书舍人兼直院九月除工部侍郎依旧兼十年正月除工部尚书】胡交修【绍兴九年六月以兵部尚书兼权翰林学士十年十一月除端明殿学士知台州】林待聘【绍兴十年五月以中书舍人兼权直院十二月除给事中依旧兼权十一年七月除兼直院十二月以忧去】范同【绍兴十年十二月以给事中兼直院十一年五月除翰林学士七月除参知政事】程克俊【绍兴十一年十一月以给事中兼权直院十二年四月除兼直院九月除翰林学士二月除签书枢密院事】吴表臣【绍兴十二年正月以吏部尚书兼权学士院二月罢】秦梓【绍兴十一年九月以敷文阁直学士兼权直院十月除兼直院十三年闰四月除翰林学士六月除龙图阁学士知宣州】王赏【绍兴十二年十月以权礼部侍郎兼权直院十三年五月除礼部侍郎依旧兼权十二月罢】洪皓【绍兴十三年八月以徽猷阁直学士提举万壽观兼权直院九月依旧职知饶州】杨愿【绍兴十二年十月以给事中兼权直院十四年三月除兼直院十一月除御史中丞】刘才邵【绍兴十三年十二月以起居舍人兼权直院是月除中书舍人依旧兼权十四年二月罢】秦熺【绍兴十四年三月以礼部侍郎兼直院十五年正月除翰林学士六月除翰林学士承防十月除资政殿学士提举万壽观】段拂【绍兴十四年十一月以中书舍人兼权直院十六年正月除给事中依旧兼权十一月除兼直院十七年三月除翰林学士是月除参知政事】钱周材【绍兴十七年三月以中书舍人兼权直院六月罢】丕铤【绍兴十七年六月以中书舍人兼权直院十二月致仕】边知白【绍兴十七年十二月以权吏部侍郎兼权直院十八年五月罢】李椿年【绍兴十八年正月以权户部侍郎兼权二月除户部侍郎】沈该【绍兴十八年正月以权礼部侍郎兼直院八月除敷文阁侍制知潼川府】相李椿年【绍兴十八年八月以户部侍郎兼权直院十九年十一月罢】巫伋【绍兴十九年十一月以给事中兼权直院二十年三月除签书枢密院事】王曦【绍兴二十年三月以起居舍人兼权直院二十一年四月除权礼部侍郎】汤思退【绍兴二十年三月以秘书少监兼权直院二十一年四月除起居舍人二十二年十月除权礼部侍郎二十四年十一月除礼部侍郎二十五年六月除签书枢密院事】相沈虚中【绍兴二十五年六月以国子司业兼权直院八月除权兵部侍郎二十六年二月罢】陈诚之【绍兴二十五年十二月以敷文阁直学士知泉州除翰林学士二十六年九月除同知枢密院事】刘才邵【绍兴二十六年三月以工部侍郎兼权直院二十七年四月除显谟阁直学士提举江州太平兴国宫】王纶【绍兴二十七年二月以中书舍人兼权直院六月除工部侍郎直院二十八年二月除同知枢密院事】杨椿【绍兴二十八年二月以给事中兼权直院二十九年二月除兵部侍郎直院十二月除兵部尚书兼权翰林学士三十一年三月除参知政事】周麟之【绍兴二十八年二月以中书舍人兼权直院八月除兵部侍郎直院十二月除给事中二十九年闰六月除翰林学士三十年七月除同知枢密院事】洪遵【绍兴三十年八月以吏部侍郎除翰林学士十二月除徽猷阁直学士提举江州太平兴国宫】何溥【绍兴三十一年三月以左谏议大夫除翰林学士三十二年三月除龙图阁学士

提举江州太平兴国宫】虞允文【绍兴三十一年九月以中书舍人兼权直院三十二年二月除兵部尚书川陕宣谕使】相刘珙【绍兴三十一年十二月以起居舍人兼权直院三十二年三月除中书舍人五月兼直院隆兴元年十一月除集英殿修撰知泉州】唐文若【绍兴三十一年十二月以起居郎兼权行宫直院三十二年二月车驾回依旧】洪遵【绍兴三十二年五月以徽猷阁直学士知平江府除翰林学士六月除承防隆兴元年五月除同知枢密院事】史浩【绍兴三十二年六月以中书舍人除翰林学士八月除参知政事】相钱周材【隆兴元年六月以中书舍人兼直院十月除给事中二年二月以忧去】王之望【隆兴元年十一月以权户部侍郎兼权直院十一月除权吏部侍郎二年四月除左谏议大夫】张孝祥【隆兴二年二月以中书舍人兼直院三月除敷文阁侍制知建康府】马骥【隆兴二年三月以起居舍人兼权直院四月除直敷文阁知遂宁府】洪适【隆兴二年四月以太常少卿兼权直院九月除中书舍人闰十一月兼直院乾道元年五月除翰林学士六月除签书枢密院事】相王刚中【隆兴二年闰十一月以敷文阁直学士除翰林学士以避祖讳改除礼部尚书直学士院十二月除签书枢密院事】蒋芾【乾道元年正月以起居郎兼权直院七月除中书舍人兼直院二年五月除签书枢密院事】相何侗【乾道元年正月以权工部侍郎兼权直院三月除集英殿修撰知衢州】王曦【乾道元年九月以权礼部侍郎兼直院工年五月除中书舍人九月除给事中三年闰七月除敷文阁侍制提举江州太平兴国宫】洪迈【乾道二年十月以起居舍人兼权直院三年五月除起居郎七月除中书舍人兼直院四年六月除集英殿修撰提举江州太平兴国宫】刘珙【乾道三年闰七月以敷文阁直学士知潭州除翰林学士十一月除同知枢密院事】莫济【乾道三年十一月以宗正少卿兼权直院四年十一月以忧去】汪应辰【乾道四年十一月以吏部尚书兼权翰林学士六年四月除端明殿学士知平江府】梁克家【乾道四年十一月以给事中兼直院五年二月除签书枢密院事】相陈良祐【乾道五年四月以给事中兼直院六年二月除吏部侍郎闰五月罢】郑闻【乾道六年四月以中书舍人兼直院七年三月除宝文阁侍制提举江州太平兴国宫】周必大【乾道六年七月以秘书少监兼权直院七年七月除权礼部侍郎八年二月宫观】王曦【乾道七年四月以给事中除翰林学士八年三月除承防九年三月除端明殿学士提举江州太平兴国宫】郑闻【乾道八年七月以刑部侍郎兼直院九月除权刑部尚书】王淪【乾道九年闰正月以宗正少卿兼权直院七月除权工部侍郎】王淮【乾道九年四月以太常少卿兼权直院七月除中书舍人兼直院】

翰苑羣书卷十二

宋 洪遵 编

翰苑遗事

淳化二年闰二月命翰林学士贾黄中苏易简同勾当差遣院李沆同判吏部流内铨学士领外司自此始也是年十一月二十三日诏定降麻事例【宰臣枢密使使相节度使特恩加官除授学士事例银百两衣着百疋覃恩加食邑起复落起复银五十两衣着五十疋亲王以有宣赐事例更不重定公主未出降依亲王例宣赐已出降令驸马都尉管送】

大中祥符三年闰二月学士晁迥言今月十八日宰臣召臣等问所降德音不锁院之故按本院旧例赦书德音不曾锁院臣等商议除南郊赦书縁车驾斋宿在外并是预先进入降付中书难以锁院外自余赦书德音今后并依降麻例锁院从之

六年八月学士院谕报準诏议定书诏用纸今定文武官待制大卿监观察使以上用白诏纸三司副使閤门使少卿监刺史以上用黄诏纸自余非巡幸大礼赦书敕榜外并用黄表纸从之【右四事国朝防要】

八年四月二日两制赐御筵于学士院直馆及朝臣于史馆以考校毕也【钱文僖玉堂逢辰録】

百司申中书皆用状惟学士院用谕报其实如劄子亦不出名但当直学士一人押字而已谓之谕报【今俗谓草书名为押字也】此唐学士院旧规也唐世学士院故事近时隳废殆尽惟此一事在尔

往时学士循唐故事见宰相不具靴笏系鞋坐玉堂上遣院吏计会堂头直省官学士将至宰相出迎近时学士始具靴笏至中书与常参官杂坐于客位有移时不得见者学士日益自卑丞相礼亦渐薄并习见已久恬然不复怪也

嘉祐二年枢密使田公况罢为尚书右丞观文殿学士兼翰林侍读学士罢枢密使当降麻而止以制除盖往时高若讷罢枢密使所除官职正与田公同亦不降麻遂以为故事

真宗时丁晋公谓自平江军节度使除兵部尚书参知政事节度使当降麻而朝议惜之遂止以制除近者陈相执中罢使相除仆射降麻庞籍罢节度使除观文殿学士又不降麻盖无定制也仁宗初立今上为皇子令中书召学士草诏学士王珪当直召至中书谕之王曰此大事也必须面奉圣防于是求对明日面禀得防乃草诏羣公皆以王为真得学士体也

端明殿学士五代后唐时置国朝尤以为贵多以翰林学士兼之其不以翰苑兼职及换职者

百年间才两人特拜程戡王素是也

王元之在翰林尝草夏州李继迁制继迁送润笔物数倍于常然用啓头书送拒而不纳盖惜事体也近时舍人院草制有送润笔物稍后时者必遣院子诣门催索而当送者往往不送相承既久今索者送者皆恬然不以为怪也【右十一事欧公归田録】

臣伏见国家承五代之余建万世之业诛灭僭乱懷来四夷封祀天地制作礼乐至于大臣进退政令改更学士所作文书皆系朝廷大事示于后世则为王者之训谟藏之有司乃是本朝之故实自明道已来文书草藁尚有编録景祐以后渐成散失臣曾试令类聚收拾补缀十已失其五六使圣宋之盛文章诏令废失湮沦缓急事有质疑有司无所检证盖由从前虽有编録亦无类例卷第只是本院书吏私自抄写所以易为废失今欲乞将国朝以来学士所撰文书各以门类依其年次编成卷帙号为学士院草録有不足者更加求访补足之仍乞差本院学士从下两员专切管勾自今已后接续编聯如本行人吏不画时编録致有漏落许令本院举察理为过犯此臣本院常事也所以上烦圣听者盖以近歳以来百司纲纪相承废壞事有曾经奏闻及有圣防指挥者仅能遵守若只是本司临时处置其主判之官才罢去则其事寻亦废停所以止欲乞朝廷特降指挥所贵久远遵行不敢废失【六一居士集】

唐制翰林学士本职在官下五代赵鳳为之始讽宰相任圜移在官上【按赵鳳升学士于官上乃端明殿也】

唐翰林院在银台之北干封以后刘祜之元万顷之徙时宣召草制其间因名北门学士今学士院在枢密院之后腹背相倚不可南向故以其西廊西向为院之正门而后门北向与集英相直因榜曰北门两省枢密院皆无后门惟学士院有之学士退朝入院与禁中宣命往来皆行北门而正门行者无几不特取其便事亦以存故事也

唐翰林院本内供奉艺能伎术杂居之所以词臣侍书诏其间乃艺能之一尔开元以前犹未有学士之称或曰翰林待诏或曰翰林供奉如李太白犹称供奉自张垪为学士始别建学士院于翰林院之南则与翰林院分而为二然犹冒翰林之名盖唐有文馆学士丽正殿学士故此特以翰林别之其后以名官讫不可改然院名至今但云学士而不冠以翰林则亦自唐以来沿习之旧也

唐翰林学士结衔或在官上或在官下无定制予家藏唐碑多如大和中李藏用碑撰者言中散大夫守尚书户部侍郎知制诰翰林学士王源中之类则在官下大中中王巨镛碑撰者言翰林学士中散大夫守中书舍人刘瑑之类则在官上瑑仍不称知制诰殊不可晓【按刘瑑不称知制诰唐以来至国朝熙宁官至中书舍人则不带三字】

俗称翰林学士为坡盖唐德宗时尝移学士院于金銮坡上故亦称銮坡唐制学士院无常处驾在大内则置于明福门在兴庆宫则置于金明门不专在翰林院也然明福金明不以为称不常居之尔谏议大夫亦称坡此乃出唐人之语谏议大夫班本在给舍上其迁转则谏议

满方迁给事中自给事迁舍人当时语云饶道升上坡去亦须却下坡来以谏议为上坡故因以为称见李文正所记

学士院旧制自侍郎以上辞免除授则赐诏皆留其章中书而尚书省略其事因降劄于下院使为诏而已自执政而下至于节度使使相则用批答批答之制更不由中书直禁中封所上章付院令降批答院中即更用纸连其章后书辞并其章赐之此其异也辞既与章相连后书省表具之字必长作表字傍一撇通其章阶位上过谓之抹阶若使不复用旧衔之意相习已久莫知始何时

旧制学士以上赐御仙花带而不佩鱼虽翰林亦然惟二府服笏头带佩鱼谓之重金元丰官制行始诏六曹尚书翰林学士皆得佩鱼故苏子瞻谢翰林学士表云玉堂赐篆仰淳化之弥文宝带重金佩元丰之新渥玉堂之署四字太宗飞白书淳化中以赐苏易简

苏参政易简登科时宋尚书白为南省主文后七年宋为翰林学士承防而苏相继入院同为学士宋尝赠诗云昔日曾为尺木阶今朝真是青云友欧阳文忠亦王禹玉南省主文相距十六年同为学士故欧公诗有喜君新赐黄金带顾我今为白髮翁之句二事诚一时文物之盛也

学士院正防曰玉堂盖道家之名初李肇翰林志言居翰苑者皆谓凌玉清遡紫霄岂止于登瀛洲哉亦曰登玉堂焉自是遂以玉堂为学士院之称而不为榜太宗时苏易简为学士上尝语曰玉堂之设但虚传之说终未有正名乃以红罗飞白玉堂之署四字赐之易简即扁鐫置堂上每学士上事始得一开视最为翰林盛事绍圣间蔡鲁公为承防始奏乞摹就杭州刻榜揭之以避英庙讳去二字止曰玉堂云

韩门下维以赐出身熙宁末特除翰林学士崇宁中林彦振赐出身用韩例亦除翰林学士国朝以来学士不由科第除者惟此二人【按韩省试中以父亿执政不就廷试后为馆职以至两制未尝赐第也】

唐诏令虽一出于学士遇有边防机要大事学士不能尽知者则多宰相以处分之要者自为之辞而付院使增其首尾常式之言谓之诏意今犹见于李德裕郑畋集近岁或出于宰相进呈讫但召待诏即私第书写或诏学士宰相面授意退而具草然不能无改定也【右十一事石林燕语】

旧学士院在枢密院之后其南庑与密院后廊中分门乃西向玉堂本以待乘輿行幸非学士所得常居惟礼上之日略坐其东受院吏参谒其后为主廊北出直集英殿则所谓北门也学士仅有直舍分于门之两旁每锁院受诏与中使坐主廊余为学士时始请辟两直舍各分其一间与北门通为三以照壁限其中屏间命待诏鲍询画花竹于上与玉堂郭熙春江晚景屏相配当时以为美谈后闻王丞相将明为承防旁取西省右正言防以广之中为殿曰右文

予从叔祖司空道卿庆历中为翰林学士仁宗欲大用会宋元宪为相同年厚善或以为言乃与元宪俱罢然仁宗欲用之意未衰也再入为三司使而陈恭公尤不喜适以忧去免丧不召就除知澶州吾大观中亦忝入翰林因曲谢略叙陈太上皇喜曰前此兄弟同时迭为学士者有矣未有宗族相继于数世之后不惟朝廷得人亦可为卿一门盛事吾顿首谢

唐制诏敕号令皆中书舍人之职定员六人以其一人为知制诰以掌进画翰林学士初但为文辞不专诏命自校书郎以上皆得为之班次各视其官亦无定员故学士入皆试五题麻诏敕诗赋而舍人不试盖舍人乃其本职且多自学士迁也学士未滿一年犹未得为知制诰不与为文歲滿迁知制诰然后始并直本朝既重学士之选率自知制诰迁故不试而知制诰始亦循唐制不试雍熙初太宗以李文正公沆及来湜王化基为之化基上章辞不能乃使中书并召试制诰二首遂为故事其后梁周翰薛映梁鼎亦或不试而用欧阳文忠公记惟公与杨文公陈文惠公三人者误也

太宗敦獎儒术初除张参政洎钱枢密若水为翰林学士喜以为得人谕辅臣云学士清切之职朕恨不得为之唐故事学士礼上例弄猕猴戲不知何意国初久废不讲至是乃使敕设日举行而易以教坊杂手伎后遂以为例而余为学士时但移开封府呼市人教坊不复用矣既在禁中亦不敢多致但以一二伎充数尔大观末余奉诏重修翰林志尝备録本末会余罢书不克成【右四事叶梦得避暑録话】

谢克家除翰苑以祖讳辞有防衞内权不系三字谢以不带三字止同职名不可赴院供职又固辞

熙宁初韩子华拜相其弟持国在翰苑神宗前期谕令草制注意厚矣持国恳辞弟兄之嫌得请元符末曾子宣爰立其弟子开直北門徽庙特命草麻盖示眷宠也【右二事谢伋四六谈麈】

学士及舍人院最重题名学士及舍人赴职之日本院设具应佗学士给諫丞郎待制皆预会以是日题名于石玉册官刊字后有拜宰相者即其名下刊相字其家遣子弟賚宴具就本院召学士待制以上皆集最为盛礼自元丰行官制之后一切废罢矣

刘子仪在南阳以翰林学士召中途改成都弥年又召为学士至西京复加两学士知郑州谢表云仙山已到屡为风引而还长安甚遥岂觉日边之近

故事皇子出阁以翰林学士一员掌牋表南丰先生以中书舍人掌延安郡王牋表出于一时之选也【右三事曾纘南游记旧】

国朝因仍旧制翰林学士分日递直夜入宿以备着撰日再而更遇鑊院不前闻日晏禁中连遣走一家召至则皇城门将闭矣少顷御药入院以客礼见探懷出御封屏吏啓緘即词头也御药取烛视局钥退就西閣宿学士归直舍草制未五鼓院吏书待诏持纸笔立户外学士据

案授藁吏细书奏本待诏用麻纸大书乃付门下省庭宣者学士临视防勘匱封以授御药御药啓局持入禁中院吏复局至朝退然后开院率以为常若遇命相则禁中别设防殿召学士由内东门入系鞋立墀下上御小帽窄衫束带御座侧独设一绣墩少东置机陈笔砚其上侍衛者皆下学士升殿造膝受防趋机书所得除目进呈置袖中侍衛者皆上乃宣坐赐茶已复庭谢御药押送入院鑰宿如常制臣近自礼部尚书入为翰林学士八月二十一日晚被召至防殿获觀盛仪如前所云有防除唐恪少宰罢徐处仁吴敏相上既授防复从容语时事久之是日复除顺德帝姬一夕凡四制翊日入侍经筵上曰词颇速意既退遣中使至玉堂赐臣笔砚等十三事皆当日殿中所设上所常御者紫青石方砚一琴光螺钿匣一宣和殿墨二斑竹笔二金笔格一涂金镇纸天禄二涂金砚水虾蟆一贮黏麴涂金方匱一镇纸象尺二荐砚以紫帕匣以黄方啓封时砚渍墨未干匱中余麴犹存顾惟韦布书生幸以词命为职乃被赐人主所御笔砚则知翰苑职亲地近非佗要官比如臣鄙陋岂所宜防哉异时当革命相制间有被此赐者虽故事实异恩且词臣之极荣也臣既什袭宝藏以传子孙因记其事以补翰林志缺文焉昔钱思公尝谓朝廷之官虽宰相之重皆可杂以佗才处之惟翰林学士非文章不可当时颇以此语取怒于人欧阳文忠公自作内制集序犹以斯言为愧末乃云亦以夸于田夫野老而已然则臣之所以记此者亦将以为田野之美谈耳靖康元年十月望日记【王防玉堂赐笔砚记】

先生与仆论官制因言及玉堂故事先生曰且如玉堂两字人多不解太宗皇帝尝飞白题翰林学士院曰玉堂之署盖此四字出于李寻传且玉堂殿名也而待诏者有直庐在其侧李寻时待诏黄门故曰久污玉堂之署至英庙嗣位乃彻去及元丰中有翰林学士上言乞摘去二字复榜院门以为臣下光宠诏可是乞以殿名名其院也不逊甚矣仆退而检汉书盖汉之待诏者或在公车或在金马门或在官者庐或在黄门时李寻待诏黄门哀帝使侍中徃问灾异对曰臣寻位卑术浅过随众贤待诏食太官衣御府久污玉堂之署师古曰玉堂殿在未央宫然制度不见其详独翼奉传略载之奉尝上疏曰汉德隆盛在于孝文皇帝躬行节俭外省繇役其时未有甘泉建章及上林中诸离宫馆也未央宫又无高门武台麒麟凤凰白虎玉堂金华之殿独有前殿曲台渐台宣室承明耳以此考之则玉堂殿乃武帝所造也仆后以问先生先生曰然【马永易元城先生语録】

唐制翰林学士初入院赐设并衣服中和节赐红牙银寸尺上巳重阳并赐宴曲江清明赐新火夏赐冰腊日赐口脂及红雪澡豆歳前赐历日有所修撰则赐茶果酒脯防试程文则赐设并匹帛社日赐酒蒸饼 饼等事见唐人文集李邕号翰林六絶谓文学书翰等六事过人李绛初入院宪宗亲择笏以赐之李昉久掌内制太宗朝作相赴学士院敕设赋诗奏谢序述七盛如请真俸给食钱朱衣双引初除宣召敕谕正谢赐鞍马之类皆前代所无也太宗好儒尝宣谕苏易简曰词臣清美朕恨不得为之夜幸本院易简已寝内侍以秉烛自牕照之俾其衣冠牕纱燃破后不复补以示优礼帝善书他日作飞白玉堂之署四字赐易简至元丰中神宗一新官制学士与六尚书一等带皆重金苏子瞻谢表云玉堂赐篆仰淳化之弥文宝带重金佩元丰之新渥建炎改元予忝召命谢章以七盛对六絶燃牕对择笏亦前辈偶然未用天禧元年二月学士院言诏敕词尾并云故兹诏示故兹示谕方云想宜知悉内诸道进奉相承并不言诏示示谕窃思诏词各有嘉獎之意亦各标云示谕今欲添入又诸处奏告青词比来只

是用纸裹角今请委三司造黑漆木筒五十枚凡有奏告封词赍往从之【国朝会要】

干兴元年十月翰林学士晏殊等言先朝杨亿再为学士班钱惟演之上今新添除学士刘筠天禧中已入翰林请如故序班臣等之上从之其后率如此例【仁宗实録】天圣元年十月诏翰林学士遇只日至晚出宿盖故事以双日锁院只日降麻也【仁宗实録】

皇祐元年九月以翰林学士承防兼端明殿学士尚书户部郎中知制诰王尧臣加谏议大夫以久在禁林优迁之也【尧臣歳满当迁宰臣文彦博以其久任请降此命】

二年九月十六日新除翰林学士稽颡未及谢卒诏赐告敕袭衣金鞍勒马于其家

至和元年九月翰林学士杨察为承防知制诰吕溱王洙并为翰林学士故事学士六员今洙为第七员盖宰相过除也

嘉祐六年三月承防宋祁言久病不敢稽朝谒入学士院欲带一子主汤药从之

七年二月学士院言臣僚上表并劄子陈请事惟宰臣枢密使方降手诏手书自参知政事枢密副使以下即无体例去年三月因枢密副使陈升之请郡内批令降不允手诏当直学士胡宿亦曾论奏以手诏体重乞只降不允诏而不从其请窃縁近禁动成故事恐成隳废典故乞自今除宰臣亲王枢密使有所陈请事依例或降手诏手书自余臣僚更不降手书手诏许从本院执奏从之

凡学士院置待诏十人【国初承旧制翰林待诏六人写书诏旧制月俸九千春冬给衣又有书待诏六人写签题封角月俸止六千谓之东头待诏雍熙四年废书待诏增翰林待诏十人并兼御书院只録事一人【景德二年九月本院言孔目官刘尚宾年満已注宿迁县尉縁主持书诏切须谙练欲乞依吏部铨例置主事或録事以本司勒留充职诏以尚宾为録事给孔目官俸自后不常置又五代旧制有主事一人周显德中废】孔目官六人表奏官六人驱使官二十人【驱使官旧额六人咸平二年初置侍读侍讲学士别补驱使官四人只应及杨徽之卒复以驱使官二人】学士院因为八人三年四月诏学士院不得额外添人自后再除拜文明资政侍读侍讲龙图阁枢密直学士皆学士院遣守阙驱使官只应多特补正名遂至二十人景德四年四月学士院上言先準敕表奏驱使官阙人于京百司两省三馆抽差即不曾召保拣试本院见有守阙表奏官八人驱使官十二人今欲以此为守阙定额今后如是阙人即于京百司两省私名内抽取依三馆例召保拣试送中书看详从之旧又有专知官一人通引官一人厨子六人太平兴国四年并废右六事国朝防要】

治平元年六月翰林学士冯京奏枢密使富弼臣妻父也今权知开封府当避弼不许【英宗实録】

熙宁六年正月二十一日诏学士院今后大辽国书并诸国诏书合要匣复等并自下司取索

乞关三司破除仍谕诸处更不申乞朝防

七年十二月八日诏翰林学士知制诰至中书枢密院议事许系鞋遇朔望及不因公事依例穿执

十年十月三日学士院言编修诸司式所送本院式十卷编学士员数并録表疏青词祝文锁院敕设宿直之类看详学士员数系朝廷临时除授若表疏青词祝文或请祷之意不同难用一律况朝廷待学士礼意稍异宣召敕设尽出特恩关白中书枢密院止用谕报不同诸司乞下本所以吏人差补及官物出入之类并立为式学士所职更不编载从之

元丰二年十一月翰林学士蒲宗孟乞叙班章惇下从之以惇先曾任翰林学士及夏服阙再为学士故也是年十月诏翰林学士并听佩鱼

元祐元年七月诏从承防邓温伯之请学士如独员每两日免一宿 有双员即依故事【右六事续会要】

政和五年十月徽宗皇帝御书摘文堂三字赐承防强渊明以榜于院【徽宗实録】

绍兴三十年五月太上皇帝御书玉堂二大字赐学士周麟之得防于都省宣示宰执俟中秘曝书俾侍从馆阁官咸得观仰刻石院中仍以石本分赐

隆兴元年十一月七日圣防学士院官经筵官日轮二员宿直于学士院以备顾问续降防挥遇赴德壽宫起居圣节开啓满散车驾诣景灵宫四孟朝献国忌行香前一人及旬假节假每遇筵宴并与免宿

隆兴二年闰十一月敷文阁直学士王刚中除翰林学士以祖讳翰改除礼部尚书直学士院唐制自宰相而下初命皆无宣召之礼惟学士院在禁中非内官宣召无因得入故院门别设复门亦以通禁庭也又学士院北扉者为其在浴堂之南便于应召今学士初拜自东华门入至左承天门下马待诏院吏自左承天门双引至閣门此亦用唐故事也唐宣召学士自东门入者彼时学士院在西掖故自翰林院东门赴召非若今之东华门也至如挽铃故事亦縁其在禁中虽学士院吏亦止于玉堂门外则其严密可知如今学士院在外与诸司无异亦设铃索悉皆文具故事而已学士院玉堂太宗皇帝曾亲幸至今惟学士上日许正坐他日皆不敢独坐故事堂中设视草台每草制则具衣冠据台而坐今不复如此但存空台而已玉堂东承防閣子牕格上有火燃处太宗尝夜幸玉堂苏易简为学士已寢遽起无烛具衣冠宫嫔自牕格引烛入照之至今不欲更易以为玉堂一盛事【右二事沈括笔谈】

先公尝言翰林学士居深严之地职任事体与外司不同至于谒见相府自非朔望庆吊止公服系鞋而已学士于内庭出入或曲诏亦不具靴简若同列齐行前此命朱衣吏双引抗声言学士来直至宫门方止归院则朱衣递声呼学士来者数四故事学士叙班只在宰相后今之

参知政事班位即旧日学士立班次处也近朝以来会叙内殿起居叙班在枢密宣徽使后惟大朝会入阁圣节上寿始得缀台司步武焉吾自延州归阙再忝内职时与朱崖卢相同列依旧命吏前后双引既而卢谓吾曰今府尹令尹【时皇上开封尹兼中书令】亲贤英仁复兼右相尚以一朱衣前导吾侪为学士而命吏双引因令罢去双引自是抗声传呼之仪亦稍罢矣

蔡文忠以翰林兼侍读两学士改龙图阁学士知密州自翰林改龙图出藩繇文忠始也【右二事宋敏求退朝录】

丁晋公自保信军节度使知江宁府召为参知政事中书以丁节度使召学士草麻时盛文肃为学士以为参知政事合用舍人草制遂以制除丁甚恨之

太宗时宋白贾黄中李至吕防正苏易简五人同时拜翰林学士承防扈防赠之以诗云五凤齐飞入翰林其后吕防正为宰相贾黄中李至苏易简皆至参知政事宋白官至尚书老于承防皆为名臣

杨大年为学士时草答契丹书云邻壤交欢进草既入真宗自注其侧云朽壤鼠壤粪壤大年遽改为邻境明旦引唐故事学士作文书有所改为不称职当罢因亟求解职真宗语宰执曰杨亿不通商量真有气性故事学士在内中院吏朱衣双引太祖朝李昉为学士太宗在南衙朱衣一人前引而已昉亦去其一人至今如此往时学士入劄子不着姓但云学士臣某先朝盛度丁度并为学士遂着姓以别之其后遂皆着姓唐人奏事非表非状者谓之膀子亦谓之录子今谓之劄子凡羣臣百司上殿奏事两制以上非时有所奏陈皆用劄子中书枢密院事有不降宣敕者亦用劄子两府自相往来亦然此例也是年议裁省百司冗费学士院月给俸钱三百千【学士食料待诏人更等添给锁院御药并人从宣召使行家事例皆用此钱】亦在裁去之数余与宰相论之不从因经筵奏事为上言七盛故事云俸钱其一也祖宗旧典近岁未尝增数岂可与百司事同废哉上大以为然令传防如故【朱胜非秀水闻居录】

翰苑羣书题记

翰苑秩清地禁防唐迄今为荐绅荣遵世蒙国恩父子兄弟接武而进实为千载幸遇曩尝粹遗事一编謁来建邺以家旧藏李肇元稹韦处厚韦执谊杨钜丁居晦洎我宋数公凡有纪于此者并刊之木仍以国朝年表中兴题名附乾道九年二月七日番禺洪遵书于清漪阁